

# *LIPOTSO LE LIKARABO*

## *BAHEBERU KAROLO III*

¶ . . . ho fihla mona tabernakeleng hape bosiu bona, ho lebella setsoalle se babatsehang sena le ho rapela re teetse Lentsoe la Molimo hare leo re le filoeng feela. 'Me rōna re a . . . re rata ho nka kabelo lehlohonolong lena.

<sup>554</sup> 'Me ke tšepa feela Molimo o tla re hlohonolofatsa bosiung bona joalokaha O entse hoseng hona, ka molaetsa oa hoseng. Ke qoqile le moahisane, Mof. Wood, nakoana e fetileng, re ntse re bua ka ona, le Mongh. Wood le bao. 'Me ke kholoa e ne e le theroy e khabane ho fetisa ea Moena Neville har'a tse ntle tseo a li rerileng, ho 'na e le khabane ho feta efe eo a kileng a e rera. 'Me ke hlile ka tsota 'me ka ananela theroy e ntle eo. 'Me e nkhothalitse, 'me e nkutile. Ka hona ke—ke rata ho amohela 'nete, le a tseba. Ka hona, ka ho etsa ka sebete, le a tseba, ho ba sebete, le mokhoa oa ho . . . Davida mono, le kamoo a . . . Mehleng ea teko e khōlō eo, sebakeng sa ho re "Be, ke tla ea etsa sena, Morena, U ke u nthuse feela," o ile a lebella, a tloha ho botsa Morena seo a ka se etsang. A theoha a nkile efoda, le a tseba, le ho re, "Joale ha re emeng re botse Molimo, 'Re tšoanelo ho etsang tlokotsing ena?'" Oh, e ne e hlile e enne. E ne e ötliloe ka lifithamini tse fetang tsa lik'hemisi tsohle naha ka bophara. E, monghali, ehlide e a u thabisa.

<sup>555</sup> Joale, bosiung bona, ha re—ha re a ikemisetsa ho lula ho feta khitla ea bosiu, ha re ka khona, lipotsong tsena. Ka hona re—re tla ikakhela ho tsona hantle, hang feela. Mona ke ho phethela lipotso tsena, 'me ka linako tsohle ha ke qala ke li phethela . . . Joale, Khaitseli Hattie, ke ne ke sa rialo, u a tseba seo. Ke—ke ne ke rialo feela, u a bona; 'me, ho itōketse. Empa mona ke tšoere tse lomahantseng meno ho tsoa ho moreri, 'me li hlile li thata ho li araba. Le a tseba, baboleli bao, ba e lohanya le Bibebe ba leka ho iphumanela karabo pele ba u botsa, le a bona. 'Me hape . . . 'me sena se a hatisoa, se theohela Georgia ho motsoalle oa ka oa 'moleli ea tšoereng lipotso tse robeli tse mahetlatsta Bibebe mona, li hlile li a nyolosetsa.

<sup>556</sup> 'Me joale, veke e tlang ena, le se ke la lebala le ho re rapella.

<sup>557</sup> 'Me mohatsa ka o hlaphohetsoe haholo; o tsohile joale, 'me o thusitse ho pheha, kajeno. Metsoalle ea rōna e ratehang ho tsoa Canada, Moena, Khaitseli Sothmann, ba re etetse mona, 'me re hlile re ananela ketelo ea bona. 'Me mohatsa ka, o tsebile ba tla fihla, khele, a tla tsoha ho amohela le ho qoqa le batho ba ratehang bana ba Bakreste. Re thabetse ho ba 'moho le Moena Freddie bosiung bona, 'me o ile a lula le . . . O ne a le teng hoseng

hona, empa ke a kholoa o setse le . . . che, ke hantle, o setse le Meda, ho itsalla le eéna re sa theohile; hoba ke tseba e tla tsoa bosiu phirimana ena, ke selallo le hlatsuo ea maoto. Ka hona re thabetse ho ba le bona le baeti ba rôna.

<sup>558</sup> Joale, pele re qala ho leka ho araba lipotso . . . 'Me le hopole feela hore nka—nka fosa, le a bona, ha ke—ke itlalehe ho nepa ka sohle seo ke se etsang. Ke—ke leka ho lôka, empa mohlomong ke—ke fositse. 'Me—'me haeba ke fositse, le mpe le ntšoarele; 'me ke rapela Molimo a tla etsa hoo, hape, hobane ha ke a ikemisetsa ho fosa. Ha ke leke ho li arabela feela hob—. . . kapa feela kamoo ke . . . ka tsekamelo, ke li arabela ka bokhoni ba tsebo ea ka, le a bona. 'Me haeba ke tlameha ho fetola mehopolo ea ka mabapi le potso ea Bibebe, ke nahana e le sona feela se ka etsoang. Re tlameha ho fetola, nako efe, ha Lentsoe la Molimo le bua; hobane ke Lentsoe la Molimo.

<sup>559</sup> 'Me joale, ke kholoa re tla rapella bakuli hape bosiusing bona, joaloka tloaelo. 'Me ka linako tse ling u ipotsa feela; ha u nka sehlotsaona se kang sena, se katlasana, oh, tabernakele e nyenyane mona, 'me ka linako tse ling ha u bone liphetho tseo u ratang ho li bona. Empa ntho, seo u se etsang, u ntse u hula feela bathong ba ka bang makholo a mabeli. 'Me e 'ngoe ea likôpano tse khôlô, o hula kae-kae mane ho likete tse tharô ho isa ho likete tse leshome, le a bona, 'me—'me kapa le ho feta. 'Me ho joalo, u bonana le bongata bo fetisang. Empa bosiusing bona, esale ke arabela . . . Ehlide mohala oa rôna o lla metsotso e meng le e meng e mehlano letšeareng le karolong ea bosiu.

<sup>560</sup> Na enoa ea lutseng mona ke Mof. Reisert, eo ke mo shebileng? Bibebe ea hao, khaitseli, Khaitseli Wood o e tšoere morao mane. Ke u tletse eona hoseng hona, feela ha ke—ke a khona ho u neha eona. 'Me ha ke—ke a u bona hoseng hona, 'me Mof. Wood o e tšoere.

<sup>561</sup> Ka baka la ho araba mohala le ho fumana e—e lintho tse khôlô tse entsoeng. Ke letsilitsoe ke leleiti, le itseng, "Moena Branham, ke ne ke etetse kôpano e *itseng-le-e-itseng* 'me ke jeoa ke bothata bo *itseng-le-bo-itseng* halelele hakana. 'Me, u a tseba, eaba u bua feela morao mono, 'me feela . . ." Ho re, "Ka batla ke akheha ha E ne e hotolla bophelo bo fetileng." Le ho re, "'Me ha ke eso tšoenyehe haesale."

<sup>562</sup> Eaba ho kena leleiti le itseng . . . Ke kholoa a le teng bosiusing bona, kapa o ne a tla khanna a tsoa Bedford, ke a lumela, kapa nqa e 'ngoe holimô mane. Mora oa bona o ne a le teng ka mona, ke a kholoa, a tšoeroe ke pelô, maemo a hlobaetsa haholo. 'Me o ne a lutse ka kôpanong ka mona, 'me—'me Morena a feta a ama . . . a bua le moshanyana ka bothata ba hae, a sa khone le ho phahamisa sephaka sa hae, ka lefu la pelô, sephaka sa hae se honyetse ka botlalo, le pelô e le tjena. 'Me hang a kena koloing a khanna a ea lapeng, ha eso mo hlophe haesale. Na leleiti leo le

fihlile mona le tsoa Bedford? Na u teng, leleiti? Ke eo, ka morao. E, o sa tsoa ntetsetsa, nakoana e fetileng.

<sup>563</sup> Hape ho be leleiti le ntetsetsang ho tsoa tlase Evansville. A sa khona ho fihla koano ka lebaka la bohole haholo, a sa ka a tseba re tla tšoara tšebeletso ea pholiso bosiusing bona. 'Me o itse, "Moena Branham, ke ne ke lutse tšebeletsong ea Evansville," le ho re, "eaba u retolohela holim'a letšoele le ho re . . . ho mpolella na ke mang, le seo ke se entseng, le se ntšoereng, le joalo ka mokhoa oo." 'Me o itse, "Ke ne ke tšoeroe ke asma ea maemo ao, 'me ka tšoanelia ho chesa Asthmador le ntho ka 'ngoe ka phaposing ho tloha ke sa le ngoanana e monyenyanane." Ho re, "Ho se ho fetile lilemo tse peli, 'me ha ke eso tšoaroe le ke bohashana ba eona haesale." Le a bona?

<sup>564</sup> 'Me molemong oa ba leng teng mona bosiusing bona, ba neng ba le sieo hoseng hona ho thabela bopaki; ha ke le koana levenkeleng la tensente, ho reka popi, maobane. Joale, e ne e se ea ka, le a bona. E ne e le ea ngoanana oa ka e monyenyanane, Rebekaha, mono. 'Me—'me Sarah o ne a tla ea nthong e 'ngoe, e itseng, kajeno. Metsoalle ea hae ea sekolo e tla tšoara kōpano, ea letsatsi la tsoalo kapa eng, 'me a nkile mpho ea hae; 'me ke ntse ke mo rekela popi, e batla e le *kana* ka bolelele. Teng ha nyoloha leleiti, le itseng, "Na u sa nkhopola?"

<sup>565</sup> 'Me ka re, "Ha ke kholoe."

<sup>566</sup> 'Me ha e hlahella, a amana le Moena Neville mona, e ka ba . . . mehleng ea leeto la ka Swedene, bao . . . A ile a kena ka mona, a tšoere moshanyana holim'a setulo sa bakuli, joaloka Edith e monyenyanane morao mono, 'me mothaka eo a tšoeroe ke mofetše, hlahala bokong. Hlohoana ea hae e hulehile, 'me a . . . lingaka li 'maletse liveke tse tharō feela ho phela. Ba ile ba e ntša ba e hlahloba, 'me ba e bona e se e le . . . seo e neng e le sona, ba 'maletse liveke tse tharō feela ho phela. 'Me ba tlamehile ho mo sututsa ka setulo, ba ntano 'meha holim'a seterechara ha a kena phaposing ea ho hlahloja, ba ntoo theoha ba mo khutlisa. Ho tloha le ho rapella moshanyana eo, le ho kōpa Morena ho mo folisa. 'Me hona letsatsi le hlahlamang, ha ba mo isa teng, ho re, "Ha ke batle setulo seo."

<sup>567</sup> Ho kena koloing le ho ea koo, eaba ngaka e phuthulla seterechara, ho re, "Ha ke batle seterechara seo."

<sup>568</sup> Ho mathela mono le ho lula fatše, ngaka ea mo hlahloba, ho re, "Be," ho re, "sebakeng sa liveke tse tharō, ke tla u balla ho phela lilemo tse lekholo le metso e robeli."

<sup>569</sup> 'Me, maobane, ke kōpane le 'mē. 'Me a ka tšoha a le teng mona, haeba ke sa fose, bosiusing bona. Moshanyana o ne a tsoile ho ea bapala bolo, e se e le mohlankana joale. Hlahala, mofetše bokong, 'me ho bontša feela . . .

<sup>570</sup> Oh, ke likete tsa lintho, le a bona. Molimo o ke ke oa hlolleha. O—O ke ke oa hlolleha feela.

<sup>571</sup> Moena John, ana leihlo la hao le ntlafetse, moena? O sa tsoa tsoa kotsing, o ne a otrella sepekkere eaba se mo otla leihlong. Eaba bohole re ntse re rapella Moena John O'Bannon, moena oa rōna ea tsoang Louisville ea hlahetsoeng ke kotsi ea leihlo le hlajuoeng ke sepekkere.

<sup>572</sup> Joale, lipotso tsena ke—ke botebo ba pelō ea motho e mong; ba balile Lengolo eaba ba fumana lintho tsena, 'me ha ba... mohlomong ha ba khotsofala, ka hona ba re behetse tsona mona ho leka ho li araba. 'Me na le bona maemo a hlokolosi ao re behoang tlas'a ona; hobane, seo u ka se buang, ba se tiisetsa. U tšoanelha ho tiea hoba u népile, 'me ke... ka ho tiea ho ka etsoang. Ka hona, se ka re kholisang re népile, ha re kōpeng Moea o Halalelang joale ho re tolokela sena, re sa inamisa lihlooho tsa rōna.

<sup>573</sup> Joale, Ntate oa Leholimō, oh, ke monyetla o mokakang ho rialo "Ntate" ho 'Mopi e moholo oa maholimō le lefatše. 'Me re U kōpa feela ho kakatlela joale lipotso tsena paballong ea Hao ka Sebele joale. Li behiloe mona ka botšepehi bo tebileng. Molimo, e ke e tsoe pelōng ea rōna, ka botšepehi bo tebileng, ho li arabela ka bokhoni boo re bo tsebang; aba sena.

<sup>574</sup> 'Me mehauhelo ea Hao e lule holim'a e mong le e mong. 'Me ho mpe ho boleloe taba e tlang ho thusa e mong le e mong mona bosiung bona. E tle re ha re tloha, ka mora ho rapella bakuli le ho ja selallo le lintho tse joalo, re bue joaloka ba tsoang Emmause, "Na lipelō tsa rōna li ne li sa chese kahare ho rōna ha A ntse a buisana le rōna tseleng?" Hoba re e kōpa ka Lebitso la Jesu. Amen.

<sup>575</sup> Joale, ke buile khafetsa, ho re tsena—tsena mona ke—ke ho latela mohopolo oa ka o khabane ka tsona, 'me ka linako tse ling li tsosa puisano. Ea pele mona, ke bona e le ntho eo ke e buileng pele, e boela e khutlisoa. Nke ke... ho batla ho e bala joale, haeba le rata.

## 65. Mohla Adama le Eva ba fumanang bana ba bona Edene, na mehleng ena batho ba bang ba ne ba le teng lefatšeng? Ho Genese khaolo ea 5 le temana ea 16, Kaine a aha naheng ea Node 'me a tseba mosali oa hae.

<sup>576</sup> Joale, ke e—e potso e ntle eo. Joale, re a rutoa Bibeleng... 'Me khafetsa lintho tsena... ka linako tse ling rōna ka bohlasoa... Ke ne ke tloaetse ho hloma sephephechana sa pampiri, le ho re, "Botsa. Araba potso efe ea Bibele."

<sup>577</sup> 'Me motho o itse, "Be, mosali oa Kaine e ne e le mang?"

<sup>578</sup> Oh, ke ntoo e fetola motlae kapa ho hong, ke re, "Oh, e ne e le moralia oa mohohali hae," kapa ntho e kang eo, le a tseba, kapa—kapa "E ne e le Mof. Kaine." Empa ha e arabe potso. Ho na le...

<sup>579</sup> Kaine o ne a e-na le mosali, hobane Bibele o mo tlalehile joalo. 'Me eféla ha Kaine a bile le mosali, o tlameha a be a mo thotse nqa e 'ngoe. 'Me taba ena e tla khohlela hantle mona:

**Mohla Adama le Eva ba fumanang bana ba bona tšimong ea Edene na batho ba bang ba ne ba le teng lefatšeng?**

<sup>580</sup> Joale, ha u ka lemoha, ke seoelo haholo Bibeleng ho tlalehoang mosali ha a hlaha. Kamehla Bibeleng ho tlalehoa ngoana e motona, e seng mosali. Ke seoelo ho tlalehoang lesea la ngoanana ha le hlaha, ka Bibeleng. Kapa, bonnête, ha ke tsebe haeba nka hopola a le mong hona joale, kelellong, moo ho tlalehiloeng lesea; ho thoe, "Ba tsoala bara le barali."

<sup>581</sup> Joale, Bibele e tlaleha tsoalo ea bana ba bararō feela ba Adama le Eva, e le Kaine, Abele, le Setha. Joale, eféla ha ba bararō bao e le banna, eféla ha ho sa tsoaloa ba batšehali, mohla e motšehali a le mong (Eva) a neng a shoa, leloko la batho le ka be le khaolitse hona moo, hoba ho se mokhoa ho bona ho—ho fumana letho . . . leloko la motho ho tsoelapele, kaha ho ne ho sa tlo sala ba batšehali. Eva ekabe ebile eéna a inotši. Empa, le a bona, ha ba tlalehe e—e litsoalo tsa masea a banana, ka Bibeleng, ka hona ba ne ba tlameha ho tsoala banana joaloka bashanyana.

<sup>582</sup> Joale, mongoli oa khale, e mong oa bangoli ba rōna ba khaleng, Josefase, o ba tlaheha ba bile le bana ba mashome a supileng, 'me Adama le Eva; e mong oa bangoli ba khaleng, "bana ba mashome a supileng, 'me e le bara le barali 'moho."

<sup>583</sup> Joale, haeba . . . 'Me eféla ha Kaine a ile naheng ea Node . . . Joale, ha u ka lemoha, mongoli haholo, haholo o ne a le bohlale ha a ngola mona. Na le lemohile kamoo a e qotsitseng kateng?

**Edene, athe ba fumane bana ba bona Edene . . .** Joale, e seng tšimong ea Edene, mongoli o e tsebile. Mang ea ngotseng noutu mona, ho re: **Mohla Adama le Eva ba fumanang bana ba bona Edene . . .**

<sup>584</sup> E seng kahara tšimo ea Edene, hoba ba lelekue ba ntšoa tšimong ea Edene. Feel a ntse ba le Edene, 'me tšimo ea Edene e ne a lutse bochabela ho Edene. Empa Edene e le ho kang lebatooa kapa—kapa eng . . . kapa porofensi, 'me Node e le porofensi e 'ngoe kapa naha e mabapi le eona.

<sup>585</sup> Joale, motho a le mong eo Kaine a beng a ka mo thola, kapa ho mo nyala, e ka ba khaitseli ea hae. O ne a tlamehe joalo. Hobane ba ne ba ka tsoa ho e motona le e motšehali a le mong feelsa, le a bona, eaba o tlameha ho nyala khaitseli ea hae. Joale, e ne e le molao litišiung tseo.

<sup>586</sup> 'Me Isaaka o nyetse motsoala oa mali a pele, Rebeka, taba e reriloeng ke Molimo. Sara e ne e le khaitseli ea Abraham, khaitseli ea hae ka mali; e se oa 'mé oa hae, ka ntate oa hae. Le a bona, khaitseli ea mali eo—eo Abraham a e nyetseng; 'mé ea fapaneng, empa ntate a le mong.

<sup>587</sup> Ka hona, le a bona, ho nyala oa leloko mohlang oo, pele e—e molapo oa mali oa morabe oa motho o fokolisoa, molao o e lumeletse ebile e le tšoanelo. Joale ha ho joalo. Ha u ka nyala khaitseli ea hao kajeno, la fumana bana, mohlomong ba ka... be, ba ka holofala le ntho eohle. Leha ekaba motsoala oa pele le oa bobeli ha se tšoanelo ho nyallana, le a bona, hobane molapo oa mali o ntse o qepha o bile o fokotseha.

<sup>588</sup> Empa Kaine a ka etsa ho le hong feela, e ka ba, ho nyala khaitseli ea hae. 'Me ke hona moo bana ba neng ba... A fumanang mosali oa hae, a ea naheng ea Node a mo tseba, 'me e—e bana ba tsoile moo. Le a bona, e...

<sup>589</sup> 'Me ha u ka lemoha, lesikeng la Kaine ho tsoile bana ba bohlale. Lesikeng la Setha ho tsoile banna ba barapeli, ke rialo, e—e morara o lōkileng. Hantle mono, bobeli boo, ba hlahisitse lona lesika leo re phelang ho lona kajeno.

<sup>590</sup> Ha u ka lemoha kajeno joale (ho qetella potso ena joale): lesika leo la Kaine le sa le teng, le lesika la Setha le sa le teng. A theohile joalo ka ho tšoana a mabeli. Bana ba Kaine ba teng mona Jeffersonville bosius bona, le bana ba Setha ba teng mona Jeffersonville bosius bona. Molapo oa mali o a fokola 'me o a nyamela, empa lesika leo le sa ntse le teng.

<sup>591</sup> Joale, shebang. Kamehla bana ba Kaine esale... le pele ho tšenyeho ea morallo, e be e le batho ba masene: ramahlale, barupelli; ba hlohliloe borapeli, feela e le sehlopha se ahlotsoeng. Le a bona? Joale shebang, keha ba itšoanelia le ntata bona Kaine. Kaine, e ne e le monna oa morapeli. O ahile aletare e ntle, a etsa kereke e ntle, a leka ho e ntlafatsa ho feta mishonenyana oa Setha tlase mane. Na le tsebile seo? O hlile a... A khabisa aletare ka lipalesa, a e ntlafatsa, a e khabisa; a etse ntho e khōlō, ea tonana, kereke e sephara, kaha a hopotse a ka fuoa mohau ho Molimo ka ketso eo.

<sup>592</sup> 'Me Abele a tloha a tšoara konyana, a qala a e hulela aletareng, a e rapalatsa lefikeng a e bolaea.

<sup>593</sup> 'Me joale, eféla ha Molimo e le ho lōka, haeba sohle seo O se hlokileng e le ho rapela, Kaine o rapetse Molimo ka botšepehi bo ka kaa ba Abele. Bobeli ba bona ba tšepahetse. Bobeli ba leka ho rekolohehoa ke Molimo. Bao e ne e se bahanyetsi. Bobeli ba bona, ruri, e le balumeli ho Jehova. Joale, mono, re fuoa seo re ka se nahanisisang.

<sup>594</sup> Ba bang mona bosius bona ha ke eso ba bone, batho; ha ke eso le bone pele. Empa u tšoanelia ho elella sena, le ho se hopola mohopolong. Le a bona? Ho sa tsotelehe borapeli ba hao bo'bokae, ha e amane le eona ka letho. U ka phela kerekeng, oa tšepahala hakaale, u ntse u lahlehile! Le a bona?

<sup>595</sup> 'Me u re, "Be," u re, "balisa ba rōna ba bohlajana bo fetisang, ba tsoa liseminarig ho rupelloa thuto e khabane. Ke baithuti ba thutabomolimo, ba tseba thutabomolimo eohle—

eohle le lintho tse joalo. 'Me ba masene, ba koetlisitsoe, eona e . . . ke ba thontsoeng le ba khabane bao re ba tsebang.' Le joalo ba ka timela! Le a bona?

<sup>596</sup> Joale Kaine, lesikeng la hae: bao ba, e mong le e mong, e ne e le barapeli ba tieling; batho ba tummeng haholo; e le borasaense, le lingaka, le lihahi, le basebetsi, banna ba masene. Empa lesika leo lohle le lahluoe, ho qala ka Kaine hohle ho theoha.

<sup>597</sup> 'Me lehlakoreng la Abele: e se lihahi kapa barupelli kapa monna ea masene; e le, bonnyane, ba ikokobelitseng, lihoai tsa manku, le mafutsana, ba tsamaileng ka Moea feela.

<sup>598</sup> Joale, Bibele e boletse, "Ha ho tsuo ho ba leng ho Kreste Jesu, ba sa tsamaeeng ka nama ba mpa ba ba tsamaea ka Moea." Motho oa moea o ruile soule ea moea e ke keng ea shoa. Athe motho oa nama o arubelitsoe ke atemosefere ea borapeli ('me o batla ho rapela le joalo-joalo) empa ke oa nama; hase mosalumele, empa ke molumeli oa nama; 'me ke mofuta o neng o ahlotsue.

<sup>599</sup> Joale, ho tsoa mono, Kaine o tlöhile a nyala mosali oa hae naheng ea Node. Joale, Setha ha ho boleloe na o nyetse mang, kapa na ba bang ba nyetse mang. 'Me se khabane ka taba eo ke ho tseba seo—seo, Kaine o nyetse, re tšoere karabo ea eona. Hoba a tlameha ho nyala khaitseli ea hae, kapa a . . . kapa ho ka be ho bille le . . .

<sup>600</sup> Basali ba bang ba ne ba le sieo lefatšeng, feela ba tlameha ho tsoa ho Eva. E ne e le 'ma bohole ba phelang. Ke ho re, batho bohole ba neng ba phela, e ne e le 'ma eona. Lebaka leo e neng e le . . . Lentsoe *Eva* le bolela "'ma bohole ba phelang." Eaba o fihla a hlahisa ngoana enoa. 'Me Kaine o nyetse khaitseli ea hae, nka e bona ka mokhoa oo feela. Ka baka leo batho ba teng ba neng phela letsatsing leo, ruri. Le a bona? Be, 'me . . .

**Athe Adama le Eva ba fumane bana ba bona Edene . . .** Joale shebang, ke potso eo: **Athe ba fumane bana ba bona Edene, na batho ba ne ba le teng lefatšeng nakong ena?** Che! **Hape ho Genese 5:16, u a bona, Kaine o ne a ahile naheng ea Node 'me a tseba mosali oa hae.** Ehlide. Le a bona?

<sup>601</sup> Eo ke Genese 1, moo O entseng motho ka setšoantšo sa Oona, ka Sebele, sona e ne e le theofani. 'Me ho Genese 2, O entse motho ka lerôle la lefatše, e leng motho eo re mo fumanang joale. 'Me hape, ho 3 ke tlolo, a ntoo lelekua tšimong ea Edene; eaba bana ba tsoala bana. 'Me Kaine a inkela mosali oa hae a phela le eéna naheng ea Node, kantle, kaha Molimo o mo arotse setsoalleng sa ngoanabo (ka lebakua la lefu la—la Abele). 'Me ke eéna eo a mo fumaneng, khaitseli ea hae, a mo nyala; ke ona feela mokhoa oo 'na, ka seqo, ke bona e le kamoo—kamoo a nyetseng kateng.

<sup>602</sup> Joale, ho itsoe . . . 'Me ke tšepa metsoalle eso ea 'mala mona e tla tšoarela tlhahiso ena, kaha ehlide e sa loka. Khetlo la pele ha ke kópana le motho ofe bophelong ba ka, ka morao ho tšokoloho

ea ka . . . Ke ne ke . . . kōpana le Moena George DeArk le bao tlase mono. 'Me ka tsamaisoa, le Morena a nkisa tuloaneng. 'Me ba ntse ba buisana ho thoe ebe motho oa 'mala o tsoa kae. 'Me ba ntse ba leka ho bolela ho re motho oa 'mala . . . Ho thoe Kaine o nyetse phoofolo e kang api, 'me ka eona ho tsoile morabe oa 'mala. Joale, e phoso! Ruri, e phoso! 'Me le se ke la e emela le ka mohla. Hoba ho ne ho se motho oa 'mala kapa e mosoeu, kapa ntho e fapaneng, ke morabe o le mong feela ho fihla ho moroallo. Eaba ka morao ho moroallo le tora ea Babele, eitseha ba qala ba qhalana, ke mohla ba fetotseng mebala le joalo-joalo. Bohle ba tsoa sefateng se le seng. Ke hantle haholo. Adama le Eva e ne e le ntate le 'mé, ka selefatše, ba libopua tsohle tsa batho tse kileng tsa e-ba lefatšeng. Ke hantle. Ba batšo, basoeu, ba sehlefetseng, basootho, bosehla, u ka ba 'mala ofe, ruri ke tulo eo u phelang ho eona, le kamoo—kamoo e . . . Joaloka . . .

<sup>603</sup> Ke sa le mona ke hopotse ho hhalosa. Batho bana ba mona joale ka khethollo ena joale le ka molao le lintho tseo ba li ralang, ke e hopola e le bosaoana. Ke hlile ke joalo. Mamelang, tlohelang batho bao, ba tseba seo ba se batlang. Molimo o entse motho oa 'mala, 'me o e thabetse. Ruri! Haeba Molimo o nkentse motho oa 'mala, nka e thabela; haeba O nkentse motho e mosootho, nka e thabela; haeba O nkentse motho e mosoeu, ke thabile; haeba O nkentse motho e mosehla, nka thaba. Molimo o re entse ka mebala ea rōna, 'me Oa re etsa kamoo O re batlileng, 'me bohole re bana ba Oona. Ruri! 'Me ha ba tšoanelia ho ngangisana le ho itšoara joalo. Ke phoso ho etsa joalo. Ha ba tšoanelia ho e etsa. Molimo o re entse . . . kamoo re e batlang kateng.

<sup>604</sup> 'Me motho oa 'mala, ha a batle ho tsoela koo a khaola moloko oa habo—oa habo kapa 'mala oa hae, a o tsoaka le ba basoeu le ntho eohle joalo. Ha ke mo qose. Ha ke etse joalo. Motho oa 'mala o ruile lintho tseo motho e mosoeu a sa li ruang. Ruri! Ke hantle haholo. 'Me Molimo ha o a ba rera joalo le ka mohla.

<sup>605</sup> Be, sheba. Motho oa 'mala oa a . . . ke e—ke e . . . o na le e—o na le semelo seo motho e mosoeu a se nang sona le ka mohla. O na le ikele-ka-lehlohonolo, e leng ho "tšepa Molimo, u lese tse ling"; le haeba a e fumane kapa che, o thabile leha ho le joalo. Nka thabela ho fumana hoo ho feta, bosiung bona, ehlide bo. Be, o e ruile, 'me leo ke leruo la hae; ha ba batle ho itsoaka le morabe osele le ho e roba, le hona. Ke hantle haholo.

<sup>606</sup> Ke kholoa leleiti tlase mane Shreveport le entse tlhahiso e khabane—khabane eo nkileng ka e utloa bophelong ba ka. O ile a etsa tlhahiso, keha ba e hlasisitse pampiring. A nyoloha, a re, "Kamoo lintho tsena li etsahalang kateng mona, khethollong ena, ha ke batle bana ba ka ha ba kena sekolo sa ba basoeu." Ho re, "Ba ke ke ba tsotelloa joalokaha ba fumane mosuoe oa motho oa 'mala." Mosali eo ke mosali ea seli. O tsebile seo a neng a bua ka sona, ba fumana thuto e fetisang. Ke hantle haholo. Ke hopola batho ba etsa phoso ka ho etsa joalo.

<sup>607</sup> 'Me ba ntse ba re, "Kaine le Abele . . ." le ka mokhoa oo. Che, monghali! 'Mala ha o amane le eona ka letho. Ke moea o kahare ka mono o amang le eona. Ke hantle haholo.

<sup>608</sup> Eaba Kaine o tseba mosali oa hae, e le khaitseli ea hae. 'Me ba . . . a mo isa naheng ea Node, teng ho tsoile merabe e meholo ea lefatše: barapeli le bakhumami.

<sup>609</sup> 'Me le nahane feelsa kajeno, motsoalle, ema feelsa 'me u nahane nakoana. Batsamai ba kereke ke mashome a likete atisa ka mashome a likete le tsa likete, a batsamai ba 'nete ba kereke, ba tšepehile ba inehetse kereke eo ka bokhoni ba bona, athe ba lahlalehile hakaalo ka Kaine. Le a bona? Ke Molimo O khethang! Ke Molimo O rerang! Le a bona? Ke Molimo O hauhelang! Letsopa le ke ke la bolella 'mopi, ke 'mopi ea okametseng letsopa. Ke hantle.

<sup>610</sup> Joale e ntle ke ena, e hlahlamang mona:

### **Ho Petrose oa Bobeli 2:4—2:4 . . .**

<sup>611</sup> Motho ea tšoereng Bibele, a batla ho phetla mangolo ana ka potlako ke sa a bala, haeba u batla. 'Me hoo ho tla batla ho nthusa mona, re sa tšoarana le potso ena.

<sup>612</sup> Joale, mabapi le Kaine enoa le—le joalo, haeba e sa le khotsofatsa joale, re tlisetse eona feelsa. Re tla thabela . . .

<sup>613</sup> Joale Petrose oa Bobeli 2:4. Ke hantle, monghali, ke rōna bana:

**66. Petrose oa Bobeli 2:4, "Hobane Molimo ha . . . Hobane Molimo ha o sa ka oa hauhela mangeloi a sitiloeng, oa mpa oa a lihela liheleng," hobaneng Kreste a ile ho rerela liseperete tse teronkong, ho Petrose oa Pele 3:19?**

<sup>614</sup> Joale, re tšoere Petrose 2:4, pele. Ke hantle:

*Hobane Molimo ha o sa ka oa hauhela mangeloi a sitiloeng, oa mpa oa a lihela—lihela liheleng, 'me—'me a tlamiloe ka mahlaahlela a lefifi, 'me o a nehetsa ho bolokeloa ho isa kahlo;*

<sup>615</sup> Joale, joale ha re fumaneng ho Petrose oa Pele (eo ke Petrose oa Bobeli), Petrose oa Pele 3:19, mamela sena. Ke rōna bana, hantle mona. Tsena li sa tsoa kena, lebaka leo ke sa kang ka li ngola.

. . . ka oona . . . ileng ho bolella ho meea e teronkong;

<sup>616</sup> Oh, e, ke rōna bana. Ha re qaleng pejana le eo, temana ea 18:

*Hobane le eéna Kreste . . . o ne a utloisoe bohloko hang ka baka la libe, eéna ea lókileng o bolaetsoe bakhopo, hore a tsebe ho re tlisa ho Molimo, o shoele ka nqeng ea nama, empa o phelisitsoe ka Moea:*

*Ke ka oona moea oo A ileng ho bolella meea e teronkong;*

*E neng e ikhantšitse khale, . . .*

<sup>617</sup> Motsoalle oa ka ea ratehang, ha u ka bala temana e hlahlamang feela, E e hlalositse. Le a bona?

*E kileng e ikhantšitse khale, mohla Molimo o ne o sa mameletse ka sebete e leng mehleng ea Nohe, ha ho ne ho sa lōkisoa areka, eo batho ba seng bakae, e leng, ba robileng metso e 'meli ba pholositsoeng ka eona metsing.*  
(Le a bona?)

<sup>618</sup> Joale, ha u ka eleloa ka mona, ke kholoa moreri enoa a tšoere e 'ngoe e mabapi le . . . e khemang le hona hoo, e tla arabjoa hamorao.

<sup>619</sup> Petrose oa Pele 4 . . . kapa 2:4, ha u ka eleloa, "hobane Molimo ha o sa ka oa hauhela mangeloi," *lengeloi* leo le peletoa joang? Ke ka tlhaku e nyenyane "le." Le a bona? Joale, ka mona, "meea e neng e le teronkong e sa kang ea baka mehleng ea mamello ea matsatsi a Nohe," ona mangeloi ao. E ne e le batho: baromuo, bareri; "ha o sa ka oa hauhela mangeloi." Na le tsebile ho re e . . . lentsoe *lengeloi* le tsoa ho lentsoe "moromuo"? Ba bakae ba tsebang ho re *lengeloi* ke "moromuo"? Ruri, *lengeloi* ke moromuo, "ha O sa ka oa hauhela mangeloi." Le a bona?

<sup>620</sup> 'Me ka mona ka ho Baheberu, le sa hopola re haola ho eona liveke tse 'maloa tse fetileng, "e leng mangeloi"?

<sup>621</sup> 'Me koana ho Bahe- . . . ho Tšenolo, "Ngolla lengeloi la kereke ea Sarada litaba tsena. Ngolla lengeloi la kereke ea Efese litaba tsena. Ngolla lengeloi la kereke . . ." Le sa e hopola? Eaba re mathisa lentsoe *lengeloi* re le khutlisa, le ho tsoa ho bukantsoe, ra fumana seo se bolela "moromuo." E ka ba "moromuo lefatšeng, moromuo ea kaholim'a tlholeho," lentsoe *lengeloi*.

<sup>622</sup> Maemong ana ke hona, holane re ka tšoara tlotlontsoe ra e khutlisa, le tla e fihlela e simolla ho "baromuo, baromuo ba pele." Le a bona, "E ka re ha . . . Ha o sa ka oa hauhela . . . Molimo ha o sa ka oa hauhela mangeloi a sitiloeng," (Le a bona?) "le libopiloeng tse kaholim'a tlholeho," (Le a bona?) "ka morao ho mamello . . ."

Joale shebang, o itse:

*...ha . . . o sa hauhela mangeloi a sitiloeng, oa mpa oa a lihela liheleng, oa a tlama ka mahlaahlela a lefifi, ho bolokeloa kahlolo;*

<sup>623</sup> Ebe le sheba koana ho Petrose oa Pele mona hape, 3:19, shebang sena se baleha joang joale:

*Hoba ke ka oona moea oo a ileng ho bolella ho meeа e teronkong;*

*E neng e ikhantšitse khale, mohla Molimo o ne o sa mameletse ka sebete e leng mehleng ea Nohe, . . . (le a bona, e ne e le baromuo ba letsatsi leo, baromuo) . . .*

*ha ho ne ho sa lōkisoa areka, eo . . . e leng, ba robileng  
metso e 'meli ba pholositsoeng ka eona metsing.*

<sup>624</sup> Joale ha le ka lemoha mehleng ea libopiloeng tseo Leholimōng. Joale, koana ho Tšenolo 11 . . . kapa khaolo ea 7, ke a kholoa . . . kapa che, che, ke khaolo ea 12. O taka setšoantšo sa mosali ea emeng; khoeli e le hloohong ea hae le letsatsi . . . kapa, letsatsi hloohong ea hae le khoeli tlas'a maoto a hae. 'Me drakone e khubelu ea ema ho metsa Ngoana hang ha A hlahile, ka mohatla oa eona ea hulanya karolo ea borarō ea linaleli tsa Leholimō ea li lihela lefatšeng. Na le lemohile seo? Joale, ha e bolele ho re Satane o na le e—e mohatla o molelele o hulanyang batho, empa "ke pale eo a e phethileng," 'me a hulanya karolo ea borarō ea linaleli tseo. Linaleli tseo e ne e le peō ea Abrahama.

<sup>625</sup> Abrahama o itse, "Oh . . ."

<sup>626</sup> Molimo o boleletse Abrahama, "Lelala maholimōng, u bale linaleli ha u khona."

<sup>627</sup> A re, "Ha ke khone."

<sup>628</sup> A re, "Le joalo u tla sitoa ho bala peō ea hao," linaleli.

<sup>629</sup> Naleli ea Meso le e khanyang ke mang? Jesu oa Nazaretha, e khanyang ka ho fetisisa e kileng ea phela nameng ea motho. Ke Naleli ea Meso le e khanyang. 'Me Ke Peō ea Abrahama, e tlileng ka Isaaka. 'Me rōna, ha re shoele ka ho Kreste, re fetoha Peō ea Abrahama le majalefa ka pallo.

<sup>630</sup> Ka baka leo linaleli tsa leholimō li bapisa meeaa ea motho mona. 'Me mohla drakone e khubelu (Roma, tlas'a hloriso) e ne e hula karolo ea peli-tharōng ea . . . kapa karolo ea borarō ea linaleli, e li lihela fatše, e ne e le thakhisong ea Morena Jesu oa rōna mohla ba Mo latolang 'me O ile a . . . le ho Mo lahlela kantle 'me ba sa amane le Eéna ka letho; e ne e le karolo eo ea borarō ea mangeloi a linaleli, libopiloeng tsa mangeloi.

<sup>631</sup> Le a bona, 'meleng oa hao, kahare ho uena . . . (re tšoere potso mabapi le eona, e tobileng, ho e araba hantle ho feta). Ka baka leo eitseha . . . Kahare ho uena ke seperete, motho e mong. Kantle u motho e mong, kahare u motho e mong. Ka baka leo kahare ho uena ke ntho e holim'a tlholeho, kantle ho uena u nama. Le a bona? 'Me boleng bona, haeba u tsamaisoa ke Moea, ke Molimo, o fetoha moromuoaa oa Molimo, kapa lengeloi. *Moromuoaa* oa Molimo, *lengeloi* la Molimo, ke lona lentsoe leo; le ke ke la aroloa: Moromuoaa oa Molimo, kapa, lengeloi la Molimo.

<sup>632</sup> Ea fetisang ka boholo ke mang? Lengeloi le tsoang Leholimōng kapa lengeloi sefaleng? Ea bo ruileng ke mang? Lengeloi sefaleng! Pauluse o itse, "Ekareha Lengeloi le tsoang Leholimōng le fihla le le bolella evangeli esele ho eo 'na ke le boleletseng eona, le rohakoe." Ka baka leo lengeloi le tlotsitsoeng ka Moea o Halalelang le tšoere Lentsoe le ema pel'a Molimo. Ke hantle. Koana Leholimōng, boholo ba lona . . .

<sup>633</sup> “Ke neiloe matla ohle Leholimōng le lefatšeng letsohong la Ka. E-eang ke hona, ’me Ke tla ba le lōna. Seo le se tlamang lefatšeng, Ke tla se tlama Leholimōng. Seo le se lokollang lefatšeng, Ke tla se lokolla Leholimōng.”

<sup>634</sup> Oh, holane Kereke e khōlō e halalelang e ka elelloa feela hore ke matla a ho etsa lintho tsena. Empa pelaelo le tšabo le thothomelo e ngata, ho ipotsa haeba e tla khona, “Na e ka etsahala?” Ntho eo ha e lula e le teng, Kereke e ke ke ea ema tšetla le ka mohla. ’Me mohla puo eohle ea tsabo e nyametseng le Moea o Halalelang o laola Kereke ka botlalo, ke moo tšabo eohle e nyametseng, ’me Kereke eo e na le matla. Le a bona? Khele, ba ruile sohle seo Leholimō le se tšoereng. Ke maqosa a Terone. Ruri! Lenqosa la Kreste le ruile boholo, ’me sohle seo Kreste a se ruileng ke sa lenqosa leo. ’Me O itse, ‘E-eang ke hona ka lefatše lohle, le lipaki tsa Ka hoba Moea o Halalelang o lule holim’ a lōna.” ’Me paki ke’ng? Ke lenqosa; e tlang ho tla paka se seng. Matla ohle a Leholimō a matsohong a hao! Oh, hобaneng re lula? ’Me kereke e nyopile, ’me re lutse re liila feela. Ke kahobane re sa elelloe lintho tsena.

<sup>635</sup> Joale, lisoule tse neng li le teronkong (tse ikhantšiteng), e ne e se libopiloeng tsa Mangeloi tse neng—neng liheloe fatše ka sebopoho sa Mangeloi, empa e ne e le lisipiriti tsa libopiloeng tseo tsa mangeloi tse oeleng pele ho theoa lefatše, morao koana mehleng ea ntoa e loanneng Leholimōng. ’Me Satane le—le drakone ba loantsa, ’me eaba . . . kapa Mikaele le—le e—e drakone ba loana (le Lusifere). ’Me Lusifere a lelekela kantle le bana ba hae bohole (mangeloi ohle a neng a thetsitsoe ke eéna), eaba mangeloi ao a tla lefatšeng ’me a le mohaung oa ho fetoha motho. ’Me hoba ba etse hoo, ke mohla “bara ba Molimo ba bonang barali ba batho hobane ba batle, ’me ba inkela basali.”

<sup>636</sup> Ke bara ba Molimo. Motho e mong le e mong ea tsoaloang lefatšeng ke mora Molimo. Ho sa tsotelehe le haeba e le moetsalibe kapa seo a leng sona, ke mora Molimo. Ea bopiloeng ka setšoantšo sa Molimo nqa lithoriso tsa Molimo, o bopiloe joalo. Empa Molimo tšimolohong o tsebile ea neng a tla Mo amohela le ea neng a sa tl’o Mo amohela. Ka baka leo O ka rerapele, kapa, e seng ho rerapele, empa ka boitsebelopele O ka bolela ea neng a tla bolokeha le ea neng a sa tl’o bolokeha, hoba O tsebile na motho o tla amohela sepirti sefe na.

<sup>637</sup> ’Me lipiriti tseo tse tsoang Teroneng ea Molimo, ’me li ema pel’ a Terone ea Molimo, ’me li phetse . . . le libilione le libilione le li-aeonse tsa nako le pele lefatše le qala le ka mohla, ka pela Sefahleho sa Molimo, le nahana ha li tsebe letho ka ho khumama? ’Me li a theoha ’me li kena hantle ka ho motho, ’me li khumamela Molimo! Ruri, li khumamela Molimo; ’me li na le tsebo ea Molimo, ’me li masene, le bohlajana, ’me li rutehile, kamehla. Empa Molimo o li lahlile ho tloha tšimolohong!

<sup>638</sup> Ka baka leo, motsoalle, ho ba setho sa kereke, kapa—kapa tsebo ea thutamolimo ea mofuta kapa se seng, ha e amane le Eona ka letho. Eka khona e be Mali a Jesu Kreste le tsoalo e ncha e u khomahanyang le Eéna joaloka motho a le mong. Ke lóna bao.

<sup>639</sup> Molimo, tšimolohong mohla O tsebileng ho re... Banna le basali ba entsoe ntho e le 'ngoe, e seng ba babeli, ba ne ba etsoe bang. Ba ne ba aroloe, e mong a behoa nameng le e mong ka theofani. O ne a tseba seo. Ho le kholisetsa eona: mohla Molimo o etsang mosali, ha O a nka lerôle le itseng oa mo etsa joalokaha O entse monna; O ntšitse lehopo lehlakoreng la Adama, eaba o fetoha lerathana la monna (hobane ke karolo ea hae). Le a E tšoara joale? Le a bona? Ke lóna bao.

<sup>640</sup> Mangeloi ke ao. 'Me Molimo le seperete se holehaneng le Molimo ke Moea o le mong. Ke hantle. Joale, Moea oa Molimo o ahileng Kerekeng, ke Moea o tsoang Leholumōng, oo Molimo a o tsebileng pele ho motheo oa lefatše, o ileng oa hanela leshano la diabolosi. 'Me seperete seo se ne se lóketse ho apara 'mele oa nama ho re e be... ho fetisoa litekong. A tlameha ho apara nama joalokaha ba bang ba entse, 'me bohle ba khoesoa joko e lekanang. 'Me Molimo, le tšimolohong, o tseba diseperete tse tllang ho khona, le tse sa tlóng ho khona. Ke lóna bao. Diabolosi o bohlale hakaale a ka thetsa le bona bakhethoa, haele ntho e ka etsoang.

<sup>641</sup> Ka baka leo diseperete tsena, mangeloi ana a ileng a rera, a ne a le teronkong; *mangeloi*, haeba u ka e hlokomela mona, ke "le" ka tlhaku e nyenyane e bolelang "motho"; mangeloi, baromoua mona lefatšeng. Ba ile ba etsa sebe, 'me mokhoa oo ba neng ba ka etsa sebe feela e le ka ho se lumele! 'Me kamoo... Ba ne ba kakatletse malumeli a bona, 'me ba sitiloe ho lumela molaetsa oa Nohe. Ba sitiloe ho lumela molaetsa oa Henoke. 'Me ba hanela Molaetsa oa bona, "'me ba tsuoa ke hona," Bibele e ba tlalehile joalo.

<sup>642</sup> Henoke o kile a ba porofetela, ho re, "Morena o tla tla ka bahalaleli ba Hae ba mashome a likete."

<sup>643</sup> 'Me ba ile ba porofeta. 'Me Nohe a aha areka, 'me ba itse, "Ke mohalaleli-mothethehi! Ke lehlanya! Ha ho letho le kang pula e tllang." Eaba ho feta lilemo tse lekholo le mashome a mabeli, o ne a tšoere borapeli bo kakatletseng pholoso ho bona, ho ne ho hlekiloe tsela ea ho phonyoha, empa feela ba ne ba khotsofaletse maemo a bona.

<sup>644</sup> Ho a tšoana le kajeno, motho o khotsofaletse maemo a bona. Empa tsela ea ho phonyoha e teng, 'me tsela eo ke ka Jesu Kreste. Amen. Ke lóna bao: ona morabe oo, tsona diseperete tseo.

<sup>645</sup> E ne e le batho ba tletseng borapeli kannete, ba tletse borapeli haholo, feela ba fositse kano ea selekane.

<sup>646</sup> Ho a tšoana le kajeno. Batho ba kena kereke, ba ingolisa le likereke tse khölöö, ho leka ho itaka e le motho oa bohlokoaa ho

fetisa motseng. Haeba ba batla ho ingolisa kerekeng, ba itholla e fetisang ka boholo motseng, e khabane ka ho fetisa le e nkeloang-holimō ka ho fetisa motseng. Ba fosa pitso hole hakakang! Ba E fosa hole hakakang!

<sup>647</sup> Mokhoa o le mong u ka tsebang Jesu Kreste ke ka tšenolo ea moea, e seng ka thutamolimo le kamoo u ithutang Bibele. Leha u ka ba mo-Chriatian Science, Methodise, Paki ea Jehova, kapa seo u ka bang sona; ho sa tsotelehe seo u leng sona, u ke ke oa E tseba ka Lentsoe, ke Moea oa Molimo o Mo senolelang uena. Ke tšenolo ea moea!

<sup>648</sup> Mohla Adama, tšimong ea Edene, le Eva, mohla bana bao ba neng ba lahleloa kantle, Kaine ke enoa a fihla ka thutamolimo e khabane. O itse, “Molimo o tlameha ho tseba re etsa sena ka bokhabane—bokhabane ba pelō ea ka. Ke tla aha aletare e ntle, ke tla e hloma lipalesa, ke tla beha litholoana holim'a eona, ke tla e ntlaufatsa. Ruri nka khahlisa Molimo ka sena le ho Mo tsebisa hoba ke tšepahetse pelōng ea ka.” O ne a lōkile ho latela Lentsoe; Molimo o ne a batlile ho khumameloa, o tlohile a ea khumama. A aha sebaka se setle ho khumama ho sona, se seholo, k'hathederale e ntle (ba e bitsa joalo kajeno). ’Me a e hlophisa ka tšoanelo, a e aha ka tšoanelo a e ahela aletare; e ne e se mohanyetsi.

<sup>649</sup> Empa Abele, holim'a Lentsoe la Molimo... Mohlang oo Bibele e sa ngoloa, empa Molimo oa mo *senolela* e se tholoana e re ntšitseng tšimong ea Edene, ha se liapole tse jeloeng ke Adama le Eva, kannete e ne e le lintho tsa ketso ea bong tse ba arontseng le ho ba khetholla. Ka ho tseba ba fetohile batho ba busoang ke lefu, le ka mali a Adama, le ka mali a sepente e qalileng sena, Abele, ka tšenolo e Mokhethoa, a tloha a tšoara konyana a e nyehela. ’Me Molimo o itse, “Ke Eona!” Ehlide.

<sup>650</sup> Eitseha ba theoha Thaba Phetholelo, Jesu o itse, “Ke le Mora motho batho ba re Ke Mang?”

<sup>651</sup> “Ba bang ba re U ‘Moshe,’ le ba bang ba re U ‘Eliase,’ le ba bang ba re U ‘Jeremia,’ le ba bang ba re U ‘Moporofeta eo.’”

<sup>652</sup> A re, “Empa lōna le re Ke Mang?”

<sup>653</sup> Petrose a re, “U Kreste, Mora Molimo o Phelang.”

<sup>654</sup> O itse, “U lehlohonolo, Simone Bar-jona, hoba ha se nama le mali tse u senoletseng hona.” (Shebang!) “Hape ha e sa hlola e le ka letere, hape ha se le ka sekolo; ha u a ithuta eona seminaring, le joale ha u a e bolelloa ke motho. Ha se nama le mali tse u senoletseng hona, empa Ntate oa Ka ea Leholumōng o u senoletseng hona. ’Me holim'a lejoe lena Ke tla haha Kereke ea Ka, ’me likhoro tsa lihele li ke ke tsa E hlola.” Ke lōna bao. Ke eo Kereke ea Molimo o phelang. Ke eona. Holim'a kereke eo... Holim'a tšenolo eo, Kereke ena e ahiloe teng. Ke tšenolo ea Khalalelo eo Molimo o e senotseng, hore Jesu Kreste ke Mora oa Molimo, ’me u

Mo amohetse joaloka Mopholosi oa hao, u tlohile lefung ho kena Bophelong.

<sup>655</sup> 'Me Moea o Halalelang o nka khato le ho sebetsa lithong tsa 'Mele ona. Ke eo Kereke! Ho sa tsotellehe le ha e futsanehile, e kenetse boromuo, le ho ema tlas'a sfeatse sa phaene nqa e 'ngoe, kapa e ka bang kae, leha e ka ba tlung ea motho kōpanong ea poraefete, e ka bang kae. Botle le lintho ha li khahle Molimo. Ke botšepehi ba pelō ka tšenolo ho re Jesu Kreste o hlahisitsoe e le Mora Molimo, e le Mopholosi oa rōna. Amen!

<sup>656</sup> Khele, rōna . . . u ke ke oa finyella tsena, ka ho tsamaea joalo, na re tla khona?

<sup>657</sup> Ke bao ba . . . koana moo A ileng teng; mangeloi: baromuo, bareri bao, bahlalefi bao, baromuo bao ba sa lumelang mohla Nohe a tlohileng a ba rerela a ba bolella, "Khele, kenang arekeng ena."

<sup>658</sup> Ba itse, "Utloang mohalaleli-mothethethi enoa. Utloang lehlanya leo. Khele, ha ho pula. Ke mang ea utloileng ntho e kang eo? Khele, banna, na ha re na likereke? Na ha re barapeli ba makoma?" Khele, e ne e le barapeli!

<sup>659</sup> Jesu o boletse e tla ba moloko o neng o sa tsoa feta feela, moloko o joalo o tla iphetha pele ha ho Khutla ha Hae, "Joaloka matsatsing a Nohe, ho tla ba joalo ho tleng ha Mora motho. Hobane ba ne ba ja, ba noa, ba nyala, ba nyalisa." Ba hahile Reno, Nevada mohlang oo, nqa e 'ngoe. Ba ne ba futhile masoana ohle a mefuta eohle a tsoanang le a kajeno; ba phutheha, ba thalabanya, 'me ba soma, basomi le ba joalo; ba nang le sebopoho sa borapeli, empa ba latōla 'Nete e tiileng: selekane, Molaetsa oa mohau. Molimo o betlang tsela ea Oona, le ho neha batho selekane sa Oona—Oona, kamoo ba ka phonyohang; E ne e kenyelilitse poloko, poloko e ne e le nqalo ea ho phonyoha.

<sup>660</sup> "Re hloka pholoso ka eng?" Kajeno batho ba re, "Na ha re phele tlas'a 'muso o molemo oa demokerasi? Ebe re hlokang?"

<sup>661</sup> Ha ke tsotelle re phela 'musong o mokakang oa demokerasi, re hloka Mali a Jesu Kreste. Hantle! Re hloka Kreste. Ke ananela tšobotsi ea 'muso oa demokerasi; ha e na letho, ha e amane le pholoso ea soule ka letho. Kannete! Mebuso eo e tla feta, le sechaba ka seng se tla feta. 'Me nkile ka ema pel'a . . . moo bofarō ba kileng ba ema teng, 'me u tlameha ho cheka maoto a mashome a mabeli tlas'a mobu ho fumana metheo ea literone tsa bona. Bofaro bohle le mebuso ea hae ea lefatše lena, le lintho tsohle tsa hae tsa bohata li tla hloleha li fete, empa Jehova o tla busa kamehla, hoba Ke Molimo o sa busoeng ke ho shoa. Re ema holim'a Lefika leo Jesu Kreste ka ho tiea, hoba litša tsohle ke mahlabathe a furumelang.

<sup>662</sup> Ho sa tsotellehe le haeba e le . . . mebuso e tla hlaha e pone, empa oh, ha ho letho . . . Ha ke tsotelle le haeba e le . . . ntho efe; ha ho letho la joale, ha ho letho le tlang ho tla, ha ho

letho (liltala kapa litlokotsi kapa letho) le ka re arohanyang le lerato la Molimo le leng ho Kreste. Motho ha a tsoaloa ke Moea oa Molimo, haesale sebopuo sa nako, empa ke sebopuo sa Bosafeleng. Amen. O tlohile lefung ho kena Bophelong. O tlohile ho . . . O fetile elementeng eohle ea nako, ho kena Bosafeleng. A ke ke a timela! 'Me Molimo o anne ka hore O tla mo tsosa hape matsatsing a bofelo.

<sup>663</sup> Ka hona ba ka itlhomela likereke tsohle tsa lōna tse khōlō le menyaka eohle ea lōna e meholo, le sohle seo le se lakatsang, le ho etsa mesoaso ea lōna e litšila la tšoara lipapali tsa lōna tsa Bunco, le lilallo tsa sopho le ntho eohle eo le e batlang; le ho emisa bareri ba ruthehileng mono. Mohlomong a ka etsa mosebetsi o khabane ho feta ba bang ba bashanyana bana ba khale ba batlang ba sa tsebe li-ABC tsa bona. Empa ke le bolella 'nete, nka mpa ka rerehoa ke moshanyana ea batlang a sa tsebe li-ABC tsa hae (a mpa a tsebile Kreste) ho e-na le baithuti bohle ba baholo ba thutabomolimo ka lithuto tsohle tsa lōna tse ka hopoloang. Kannete!

<sup>664</sup> Tlase mona Kentucky, nakoana e fetileng, moshanyana oa khale a batla a sa khone le ho bala lebitso la hae, o boletse Morena a 'milelitse ho rera 'me a batla phaposi ea sekolo. Khele, balaoli ba boholong ba mo hanelia ho e fumana. Moreri e moholo a feta mono lebitso la hae le hlometsoe mohoele *joalo*, ngaka e itseng e khōlō ea khalalelo, khele, ba mo lumella ho fumana sekolo. Ehlide. A tšoara tsoseletso ea liveke tse peli, ho se le soule e le 'ngoe. 'Me ntatae a khutla, ho re, "Joale le mo lumelle ho e tšoara, 'na ke molefi oa lekhetho, ke na le tokelo ea moshanyana oa ka ho se fumana. 'Me moshanyana oa ka o tlameha ho e fumana le eéna."

<sup>665</sup> Eaba o khutla ho fumana, a ba kōpa, ba re, "Be, re tla mo lumella ho e fumana bonnyane masiu a mabeli." Ba tloha ba mo lumella ho e fumana masiu a mabeli.

<sup>666</sup> 'Me bosiu boo moshanyana eo oa khale a ema mono a sa khone le ho bala Bibebe, a laela motho ho 'mallia mohlolitiero oa hae. Empa eitseha a hloella kalaneng, o ne a tlotsitsoe ke Moea o Halalelang. 'Me ha a rera, ba ka bang mashome a mabeli ba tla aletareng; 'me moreri eo ea ikakasang a lla a ntse a ea Kalvari, aletareng.

<sup>667</sup> Ehlide, moena, ha se—ha se seo u se tsebang, ke Eo o mo tsebang. Ke ona mohopoloo, ke sona se hlokoang, e hloka ho tseba Kreste. Ho Mo tseba, ke Bophelo; ho Mo latola, ke lefu.

<sup>668</sup> Ka potlako lipotsong tse ling tsa rōna, lipotso joale tse eang Georgia:

## 67. Ebe majoe a ho . . . a tšoantšang ho Tšenolo 21:19 le 20?

<sup>669</sup> Haeba le batla ho nka nako ea lōna ho phetla Bibebe tsa lōna, athe ha re na a kaalo joale, empa ke tla leka ho li araba

ka potlako. Tšenolo mashome a mabeli- . . . Ke a kholoa ke 21:19 le 20. E.

<sup>670</sup> Ke hantle, ka mono le tla mo fihlela a bua ka majoe a neng a le moahong. 'Me majoe e ne e le metheo. Ha u ka lemoha . . . Ke lumela u e tshoere mono, Moena Neville. 'Me lejoe le leng le le leng e le motheo. Ha se lejoe le le leng motheo, 'me a mang . . . Empa lejoe le leng le le leng e ne e le motheo. Lejoe ka leng e le motheo o tsepameng. 'Me majoe a ne a le leshome le metso e 'meli. 'Me ha u ka elelloa majoe ao a leshome le metso e 'meli, ho rea le leng le le leng . . . Pele ho qaloa ka jaspere, le sardone, le joalo, a emetse lejoe le leng le le leng.

<sup>671</sup> Ka Bibeleng o tla a fumana a bitsoa majoe a ikhethang. A mang a batla a fapane, ha u eso utloele ka lona le ka mohla. Ha u ka sheba morao bukantsoe u fumana e le lejoe le tšoanang, feela lebitso le fapane; le fetotsoe.

<sup>672</sup> Empa ho qaloa ka—ka jaspere. Jaspere e ne e le lejoe la—la Benjamine, kapa, lejoe la . . . oh, mora oa letsibolo, Rubene. Lejoe la pele e ne e le Rubene, lona e le jaspere. Lejoe la ho qetela e le Benjamine, lejoe la ho qetela kaholimō.

<sup>673</sup> Joale, majoe ana a leshome le metso e 'meli ao metheo e theiloeng ka ona, majoe a leshome le metso e 'meli ao—ao a ne a leketlile sehlakong sa Aarone sefubeng. 'Me a—a ne a emetse, e ne e le moprista e moholo oa ena—ena merabe. 'Me lejoe ka leng la tsoalo ea bona ka mona, mona ho—mona poleiting ena. Enereha batho ba bona poleiti ena, ba lemohile hoba Aarone ke moprista e moholo oa morabe oo ohle, ha ba bona lejoe la tsoalo poleiting ena.

<sup>674</sup> Joale, re fumane sena hoseng molaetseng oa Moena Neville. 'Me khafetsa ba ne ba tisa Urime Thammime. Le e bona e hlahositsoe Bibeleng e le tsela ea ho tseba haeba melaetsa ea bona e ne e le 'Nete kapa che. Majoe ao, enereha ha ba bolela seo motho a se buileng, moporofeta o ne a se porofetile, 'me majoe ao ohle a halima 'moho. A khantsa maseli a tšoakaneng a akhang safire, le jaspere, le karbunkule, le majoe a mang 'ohle a halimisang leseli la ona, a hlahise mookoli o le mong o moholo o teantseng ntho eohle 'moho.

<sup>675</sup> Joale, joale, kajeno, mohla Urime Thammime e neng e tlosoa le boprista boo, joale Bibebe ena ke Urime Thammime ea Molimo kajeno. 'Me ha moreri a rera, ha e a tšoanel a be tuluaneng e le 'ngoe mona, ebe phetho moo a behang litšepo tsa hae teng; eka khona e be Bibebe eohle e halimisang molaetsa o reroang ke monna eo. Ke eona ntho. E seng tuliana e le 'ngoe feela, ho thoe, "Be, Bibebe e bolela sena." Oh, ehlile, e bolela lintho tse ngata. Empa u tšoanetse ho e teanya eohle 'moho. 'Me ha Moea oa Molimo o fihla o kena e—e Lentsoeng, O le beha lohole 'moho le ho khantsa Leseli le le leng le leholo, 'me Leseli leo ke Jesu Kreste. Amen.

<sup>676</sup> Joale, majoe a leshome le metso e 'meli ana e ne e le metheo e leshome le metso e 'meli e qalileng ka Rubene, le Gade, le ho theohela ho Benjamine joalo; meloko e leshome le metso e 'meli, majoe a leshome le metso e 'meli. 'Me majoe ao kaofela kahara Tempele, Jerusalema e mocha oa Leholidimō, motheo ka mong o tla behoa holim'a e mong le e mong oa bapatriareka.

<sup>677</sup> Joale shebang, le ele majoe ana hloko, ke moo le tlang ho bona bapatriareka bao ba halimisitsoe hantle nthong e 'ngoe esele, potsong e 'ngoe feela.

### 68. Hlalosa—hlalosa ea bone... libata tse 'ne tsa Tšenolo 5.

<sup>678</sup> Moena Neville, haeba u e tšoere haufi mono, kapa ba bang ba lōna, Tšenolo 5, re tla bala sena motsotsong feela. Ke e—ke setšoants̄o se setle mona sa e... Mona, ke e tšoere ka bonna, Tšenolo khaolo ea 5:

*'Me ka bona letsohong le letona la ea lulang—lulang teroneng buka e ngoliloeng kahare le kantle le—le—le kamorao, e tiisitsoeng ka litiiso tse supileng.*

*'Me ka...*

<sup>679</sup> Joale, ha se sona sebaka seo feela. Ke batla ho tsoela pejana, libata tse 'ne. Ha re boneng, temana 14. Ke hantle, monghali. Joale ke rōna bana re tloha, ke hantle. Joale ha re qaleng holimō mona ho e—ho temana 12, che, ke a kholoa e... “Libatana tse 'ne tsa re, ‘Amen.’” Che, tuloana e teng kamorao ho moo, Moena Neville. “Bonang, ka utloa lentsoe...”

<sup>680</sup> Ha re boneng, motsotsong feela, ke e balile nakoana e fetileng. Oh, ke rōna bana, ha re qlang ka temana 6. Temana 5:

*Eaba e mong oa baholo o itse ho 'na, Se lle: bona, tau ea leloko la Juda, Lehhomela la Davida, le hlotse e tle e tsebe ho phetla buka, le ho manolla litiiso... tsa eona.*

*Eaba ke bona, 'me,... mahareng a terone le... libopuoa tse 'ne, 'me, mahareng a baholo ho eme Konyana, e kang e hlabiloe, e na le lihlooho tse supileng le mahlo a supileng, e leng Meea e supileng... e rometsoeng e tsoa... ho ea lefatšeng.*

<sup>681</sup> Ke le batla le tšoare potso eo, ha ke sa e finyelle tlase mona motsotsong, ke batla le e khutlise hape, ke batla ho tšoarana le eona, “Meea e supileng ea mahlo a supileng a neng a le holim'a Konyana.” Oh, ke ntho ea mannete e ntle eo. (Be, re batla ho finyella potso ea moena enoa joale.) Ke hantle, le se e lebale joale.

*'Me ea tla ea nka buka letsohong le letona la ea lulang teroneng.*

*Itse hobane e e nke, libata tse 'ne le bona baholo ba mashome a mabeli a metso e mene ba khumama pel'a konyana, ... ba tšoere e mong le e mong liharepa, ...*

<sup>682</sup> Joale, tseo ke—ke libata tse 'ne—'ne mona, ha u ka ela hloko. Joale ha re khatheng tema re bale nakoana hape:

... *liharepa tsa gauta, . . . e tiletseng lipitsana le monko o monate, . . . le merapelo ea bahalaleli.*

*Ba binne sefela se secha, . . . U lōketse . . . (le ho tsoella li hlahisa ling tsa tsona . . . merapelo eohle ea bona ho Morena)*

<sup>683</sup> Joale, libata tse 'ne tsena tsa Tšenolo, ha u ka li ela hloko, tulong sefe le sefe . . . (Lōna babali ba Bibebe, etsoe monna o tla mamela khatiso ena ea teipi). Libata tse 'ne tseo, li ne li na le lifahleho tse 'ne: se seng ka sefahleho sa monna, se seng ka sefahleho sa poho, le se seng ka sefahleho se kang sa ntsu, le se seng ka sefahleho se kang sa tau. 'Me li sa khutlele morao le ka mohla, li ke ke tsa khutlela morao.

<sup>684</sup> Ba hopolang buka ea khale ea Tšenolo le bakae mohla ba e rutang lilemo tse fetileng, mohlang oo ka qeta lilemo tse batlileng ho ba peli mona ka Buka ea Tšenolo? Mekaubere e mengata ea khale e etsa joalo.

<sup>685</sup> Shebang, li ke ke tsa khutlela morao, hohle moo li eang li ne li lōkile pele. Ha li ea ka *mona*, li ea joaloka monna; ha li ea ka *mona*, li ea joaloka tau; li ea ka *mona*, li ea joaloka ntsu; li ea ka *mona*, li ea joaloka poho. Le a bona, ha li khutlele morao le ka mohla, li ne li ea pele ka linako tsohle.

<sup>686</sup> Joale libata tseo bone ba tsona. Joale ho tšoarana le sena ka pokatlo, ha ke batle ho lieha tabeng ena. Empa libata tse 'ne . . . *Sebata, kahar'a Bibebe*, se emetse "matla." 'Me elang hloko hoba libata tsena ha li nyolohe kantle koana letšeng kapa leoatleng kae-kae, li mpa li le Teroneng ea Molimo, li ntse li khumamela Molimo. Libata tse 'ne tseo li bua ka matla a mane a neng a tsoa lefatšeng, 'me matla a mane ao e le Lievangeli tse 'ne: Mattheu, Mareka, Luka, le Johanne; ha li thulane.

<sup>687</sup> 'Me se seng sa tsona, sona . . . Evangelī ha e tsoa joaloka tau, e koenne, e sebete; Evangelī e sebete sa tau, 'me ke khosi joaloka tau. Ha e tsoela nqā sefahleho sa monna, e masene le bohlale ba monna. Ha e tsoa e le ntsu, mapheo ea eona a lebelo le bophahamo bo holimō. E . . . Na le bona seo ke se bolelang? Ha e tsoa joaloka poho, ke matla a pere e hulang, poho e sebetsang e hulang e—e—e moroalo oa Evangelī. Libata tse 'ne e ne e le matla a mane, ana e le: Mattheu, Mareka, Luka, le Johanne; Lievangeli tse 'ne tse tiletsang ka Boteng ba Molimo. E ne e le . . .

<sup>688</sup> Haeba u etse hloko, li mahlo kapele le kamorao. Li—li . . . Hohle moo e ileng teng, e ile ea halimisa. Li ne li bona hohle moo li ileng teng. 'Me ao ke matla a Lievangeli ha e tsoa, a khona . . . E fupile bohlale ba monna; e lebelo la ntsu; e fupile e—e—e matla, matla a hulang, pelesa-moroalo e kang poho; e na le e—e sebete le ho koetla ha tau. Le a bona, ke Lievangeli tse 'ne, e leng matla a mane a Tšenolo, khaolo 4.

Ke hantle, joale e hlahlamang:

**69. Baholo ba mashome a mabeli a metso e mene ke bomang? Ke hantle, ke kholoa e tla hlaha ho—ho... Baholo ba mashome a mabeli a metso e mene ke bomang?**

<sup>689</sup> Joale eo e bonolo feela, re ka e fumana. Baholo ba mashome a mabeli le metso e mene ba ne ba lutse ka pel'a Terone. Mono ke ka ho... Ke a kholoa ho temana 4, moo e fumanoang. "Eaba ho tsoa le leng..." Ke tlameha ho... A re boneng, ke a... 4:10.

<sup>690</sup> Ke hantle, ho Tšenolo, khaolo 4, le temana 10. Ke hantle. Re tla e finyella.

*'Me baholo ba mashome a mabeli le metso e mene ba ne ba eoa ka mangole a bona pel'a ea lulang teroneng, ba rapetse ea phelang kamehla le mehla, 'me ba akhela meghaka ea bona pel'a terone ba re,*

*U lôketsoe, oho Morena, ke ho neoa khanya le hlompho le matla: hobane u hlolile lintho kaofela, 'me ke ka ho rata ha hao li leng teng li bileng li bopiloe.*

<sup>691</sup> Joale baholo ba bane le mashome a mabeli. Moholo ke mookamel. Joale elang hloko, e ne e le bapatriareka ba leshome le metso e 'meli le baapostola ba leshome le metso e 'meli. 'Me ba ne ba lutse, ba leshome le metso e 'meli lephakong le leng le ba leshome le metso e 'meli lephakong le leng. Ho ne ho le baholo ba mashome a mabeli le metso e mene, bona e le bapatriareka ba leshome le metso e 'meli lephakong le leng, Testamente ea Khale; baapostola ba leshome le metso e 'meli lephakong le leng, ba Testamente e Ncha. Na Jesu ha a bolela, "Le tla lula literoneng tse leshome le metso e 'meli, le ntse le ahlola meloko e leshome le metso e 'meli ea Iseraele"?

<sup>692</sup> Joale, metheo. Shebang, esita le sefate se teng mono. 'Me sefate lephakong ka leng se beha tholoana ea mefuta e leshome le metso e 'meli. 'Me li hlahisa tholoana ea tsona hang khoeling, e leng likhoeli tse leshome le metso e 'meli selemong. Li beha tholoana tse mefuta e leshome le metso e 'meli ha selemo se feta. *Leshome le metso e 'meli*, nomoro ea ho "khumama," le a bona. 'Me ho na le mashome a mabeli le metso e mene, e tla ba ke mashomepeli-'ne, baapostola ba leshome le metso e 'meli le bapatriareka ba leshome le metso e 'meli. Ba lutse holim'a Terone.

<sup>693</sup> Ke hantle, joale temana 4, kapa, potso ea bone:

**70. Khole e sekarelata ho Genese 38 e ne e lekanyang?**

<sup>694</sup> Khole e sekarelata, ha u ka ela hloko, e ne e le Juda. 'Me a e-na le bara, eaba e mong oa bara ba hae o nyala mosali oa Mokanana. 'Me mosali enoa oa Mokanana a se na bana, eaba mora oa hae o a shoa. Meh leng eo, molao e le ho inkela... mora ea hlahlamang a tlameha ho inkela mosali oa moena oa hae, a tsosetse mofu peō. Eaba monna e mong o hana ho sebetsa 'moho

ho phethisa tšoanelo ea hae, Morena a 'molaea ke hona. A ntoo fumana mora e mong ea mocha; ebile Juda o re, "Emela hofihlela mora enoa a qhoba . . . a hola hofihlela a ka u nyala."

<sup>695</sup> Hoba a hole ho lekaneng ho nyala mohatsa baholoane ba babeli ba hae, be, a lōkela ho inkela eéna, ho tsoetsa banababo ba babeli peō ba ileng ba . . . ba shoeleng pele ho eéna. Eaba Juda o sitoa ho neha mosali (mosali oa Mokanana) mora, moshanyana, a mo lesa feela. A 'mona a etsa hampe, ebile o tloha a ikoahela sefahleho ka lesira, a lula khorong joaloka seotsoa.

<sup>696</sup> Juda a tšoha a fetile a inkela mosali eo ho ba mohatsae, hobane e ne e le seotsoa, a phela le eéna. Le ho re, a re, "Be, tebeletso ea hao ekaba efe?" 'Me a . . . o itse . . .

<sup>697</sup> A re, "Ke mo nehetse e—e porohloana ea potsanyane." A re, "Be, mpehele bopaki ba hobane u tla phethisa." Eaba o inkela lere la hae le lesale le lintho tse joalo, a li boloka.

<sup>698</sup> Eitseha ba tlisa phorohloana ea potsanayane, ha ba ka ba fihlela seotsoa, hobane e ne e se seotsoa.

<sup>699</sup> Haissa-isá, a itšupa e le moimana. 'Me hoba a itšupe e le moimana, ebile ba fihla ba bolella Juda, "Ngoetsi ea hao e febile ka mokhoa oa seotsoa." Ho re, "Hobane ke—ke moimana, athe bara ba babeli ba hao ba shoele."

<sup>700</sup> A re, "Be, o tla bitsoa, a be a chesoe."

<sup>701</sup> Ebile o romela polelo ho Juda, a re, "Monna e leng mong'a ketso ena, lere lena le lesale ke tsa hae." Ke hantle, e ne e le ntata monna oa hae.

<sup>702</sup> 'Me o itse, "O lōkile ho feta 'na."

<sup>703</sup> Joale, ha a le pelehing ea bana ba hae, keha e le mafahla. Eitseha lefahla . . . Lesea la pele ha le tla hlaha, molao oa mehleng oa Bajuda, litōkelo tsa tsoalo ke tsa letsibolo, ngoana ea hlhang pele. 'Me eo, le hopole, e le ngoana oa hae oa pele. Ho se moshanyana ea kileng a fumana ngoana ka eéna. A e-so fumane ngoana hofihlela joale.

<sup>704</sup> Eitseha letsibolo la hae le hlaha, e ne e le letsoho feela. Ebile 'melehisí o mo tlama letsoho ka khole e sekarelata, kahobane khole e sekarelata e lekanya topollo ea letsibolo la moroetsana Maria le tlang ho . . . le kakatletseng khole e sekarelata ea topollo.

<sup>705</sup> Hoba a honyetse letsoho la hae, e mong a hlaha pele. Hoba a etse hoo, ha thoe, "O e entse ka lebaka lefe? Tōkelo ea boholo ke ea e mong."

<sup>706</sup> Ka hona ke seo Genese 38 e se bolelang, le a bona. Ke hore ngoana oa pele o saletse hofihlela Morena Jesu Kreste a tlide. Ke hore oa pele o ne a le tlasa molao oa topollo.

<sup>707</sup> Le a tseba ke boletse . . . mulete o monyenyané, le a tseba, ke le phetetse tsa ona, ke itse mahlo a ona . . . le eng hape, litsebe

li ne li lepeletse, empa, haeba o tsoetsoe ka tōkelo ea boholo, konyana e se nang sekoli, e phethehileng e o shoetse. Ke eona.

<sup>708</sup> Ka hona e ne e le ka lebaka la tōkelo ea boholo. Lesea le hlahang pele ho 'mé, 'me ba bone letsoho leo (ba le tsebile le ka tšooha le honyela hape). Eitse hobane a hlahiise letsoho la hae ho itšupa a e tšoere, e ne e le letsibolo, 'melehisi a mo tlama letsoho ka khole e sekarelata eaba o honyetsa letsoho la hae. Le a bona? Empa, ruri, e ne e le oa pele. E ne e le khole e sekarelata, khole e sekarelata e na le . . . ho haola le Bibele eohle, e ne e lekanya topollo; e neng e supa ngoana oa pele ea tlang ho fihla.

<sup>709</sup> Pere e tsoetsoeng pele, khomo e hlahileng pele, e ka bang eng, sohle se hlahileng pele (e hlahileng) e ne e oela tlasa topollo, e ne e lōketse ho lopolloa; sohle se ne se tlameha ho lopolloa! Alleluia! Oh, e a ntlhasimolla. Le a e tšoara na? Oa *pele* o ne a tlameha ho lopolloa. E ne e le molao. Ho bokoe Lebitso la Morena!

<sup>710</sup> 'Me mohla Jesu Kreste a neng a tsoaloa, O lopolotse lefatše lohle. Ruri, O entse. E ne e le Molopelli oa sebopua se seng le se seng se kileng sa boptjoa lefatšeng le ka mohla. E ne e le Molopelli. 'Me mane . . . topollo eohle e theiloe holim'a Hae, 'me ha ho mokhoa o mong ho uena ho tla ka mesebetsi e molemo le ka mohla, ka ho ingolisa le kereke, leha e ka ba eng; u tlameha ho tla ka khole e sekarelata eo, Molopelli eo, Molopelli eo oa lesika le haufi.

Ke hantle, e hlahlamang ke ena:

### **71. Li kae limpho . . . Limpho tse tla romeloa ka lebaka la lefu la lipaki tse peli tsa Tšenolo 11 ke ling?**

Oh, Moena Palmer, ha se le ho botsa lipotsa tsa mofuta hoo!

<sup>711</sup> Joale, topollo, metaka ena mona, motaka o sekarelata ona, re e bona e ne e lekanya topollo.

<sup>712</sup> Joale potso e hlahlamang ke:

#### **Limpho tse ho Tšenolo 11 ke ling?**

<sup>713</sup> Nako e a tla . . . Joale mona ho tla arabajoa potso e arabiloeng bosiu bo bong, eo motsoalle oa ka oa moreri a e ngotseng mabapi le Bajuda, kamoo ho tla ba kateng.

<sup>714</sup> Joale Bajuda bana ba tsepisitsoe lilemo tse tharō le halofo. Ba e tsebang ba bakae? Ho ne ho tsepisoe liveke tse mashome a supileng. Ha thoe, "Messia o tla fihla a ntoo khaoloa mahareng." Kreste o rerile lilemo tse tharō le halofo, a ntoo bolaoa hantle mahareng lilemong tse tharō le halofo, O rerile lilemo tse tharō le likhoeli tse tšeletseng.

<sup>715</sup> 'Me manyala a bofeliso, e—e mosleme oa Omar o ile oa hlongoa Nqalang e Halalelang; kamoo Molimo o boletseng, lilemo tse makholo a mashome a mabeli a metso e mehlano pele e hlaha, a tla be a eme mono. Moporofeta o e bone, le ho e bona, le

ho re, "Ba tla . . . Balichaba ba tla hapa mono ho be ho phethehe lekhathet la Balichaba."

<sup>716</sup> Joale ho sa tšepeisitsoe lilemo tse tharō le halofo. Ha u ka ela hloko, lipaki tsena tsa Tšenolo 11 li porofeta sekete, matsatsi a makholo a mabeli le mashome a tšeletseng; lilemo tse tharo le halofo hantle. Joale . . . 'me ba apere masela a mahoashe. Joale, le shebe bosebeletsi ba bona, seo ba leng sona. Joale, lipaki tse peli tsena li a bolaoa.

<sup>717</sup> Joale, e . . . Ba khutletse ho Bajuda ka morao ho Hloibilo ea Kereke ea Balichaba. Kereke ea Balichaba e isoa Lapeng Selallong sa Lenyalo, le joalekaha Rebeka a kentsoe setšeng sa Abrahama le Isaaka a nyaloa mono. 'Me Rebeka le Isaaka ba tsoa ka leruo lohle le tletseng la Abrahama, tsohle tsa oela tsohle ho Isaaka. Kannete! 'Me le ke ke la tlela Isaaka hofihlela Isaaka a nyetse. Oh Alleluia! Ke lōna bao.

<sup>718</sup> 'Me Kreste o fetoha . . . Molimo o ahile 'meleng o phethahetseng oo, o ileng oa senyeha ka bottlalo kamehla le ka Bosafeleng. Mohla Konyana le Monyaluo ba chatang Leholimōng, o tsoa a tšoere leruo le tletseng. Kannete! Isaaka le Rebeka ba ile ba tsoa ba tšoere leruo le tletseng.

<sup>719</sup> 'Me mohla mokete ona o tsoeletseng Leholimōng, e leng oa Monyaluo, Monyaluo oa Molichaba o ntse a nyaloa ke Khosana (Mora Molimo), koana Khanyeng; mehleng eo ba ntseng ba chata, ho feta lilemo tse tharō le halofo mehleng eo . . . Moshe le Elia . . .

<sup>720</sup> Etsoe, Moshe ha a eso tlohe . . . che, 'mele oa hae o tlositsoe. Mangeloi a mo tlositse, ha a ka a bola, ha a ka a senyeha. E ne e le papiso e phethehileng ea Kreste. O shoele a ntoo tlosoa ke Mangeloi, esita le diabolosi ha a tsebe moo a patuoeng, le ho leka ho tsekisana le Mikaele e leng Arekangeloi ka lepato la hae. Ke seo Bibile e se buileng. Molimo o mo nkile ka Hloibilo.

<sup>721</sup> 'Me Elia, e ne e re a sa itsamaela mono, moporofeta oa Molimo, a theohela Jordane, a hlobola mantlele oa hae a phutla metsi, eaba e phetleha ho qala ho le letona ho isa ho le letše hal. A nyolohela thabeng. Elisha o itse . . . Ha thoe, "Athe u ntšetse morao ka life?"

<sup>722</sup> A re, "Ke batla karolo tse peli tsa Moea oa hao."

<sup>723</sup> Ho re, "U kōpile ntho e thata, empa ha u ka mpona ha ke tloha." A tsepamisa mahlo holim'a hae.

<sup>724</sup> Ka morao ho nakoana, Leholimōng ha theoha koloi ea mollo le Mangeloi a mollo, mapere a mollo, ebile Elia o hloella a nyolohela Khanyeng. Ha a ka a latsoa lefu, a fetoloa, o tlameha ho sho!

<sup>725</sup> 'Me ha u ka beha baporofeta ba babeli bana ba Tšenolo 11 leihlo, ba etsa seo se entsoeng ke Moshe le Elia. U re, "Moena Branham, u mpolella hore Moshe le Elia ba sa ntse ba phela?" Kannete!

<sup>726</sup> Khele, ka pel'a Thaba Phetolelo... Mane Thaba Phetolelo, pele Jesu a ea Kalvari, teng ha ema Moshe le Elia ho ema mono ba buisana le Eéna. Ruri, ba entse joalo, ha ba shoa. 'Me ha ba eso shoe; ke batho ba busoang ke lefu, ba tlameha ho shoa. Ba mpa ba le maemong a tlotlisitsoeng ba emetse nako eo.

<sup>727</sup> 'Me ba tla khutla hantle ba rere lilemo tse tharō le halofo tlas'a tlolo ea Kolobetso ea Moea o Halalelang, mohla Lehlohonolo le tlosaang ho Balichaba ('me Kereke e a nyolloa); 'me kereke e batang e hoammeng, e tsongoa joaloka lintja, ke makomonisi le mokha oa Boroma, 'me ba tsongoa ba bolaaoa. Ba—ba bolaaoa mehleng eo; baporofeta ba babeli bana ba rera lilemo tse tharō le halofo, 'me Bibebe e ba tlaleha ba bolaue nthong e khōlō... seterateng, ka moea se bitsoa, Sodoma le Egepeta, e leng moo Morena oa rōna a thakhositsoeng. Mono ke morao Jerusalema; le a bona, morao Jerusalema, ka puo ea moea.

<sup>728</sup> 'Me ba rapalla seterateng matsatsi a mararō le masiu. 'Me ho feleng ha matsatsi a mararō le halofo, moea oa bophelo oa kena ho bona ba tsoha. Ba ile ba tlameha ho shoa joaloka batho bohle ba leng tlas'a bohlanka ba lefu, ba tlameha ho etsa joalo. 'Me eitseha ha ba bolaea bareri ba babeli bana...

<sup>729</sup> Ba rerile khahlano le bokhopo, 'me ba theotse mollo leholimōng. Ke mang ea entseng hoo? Le a bona? Ba theotse likotsi leholimōng, ba otla lefatše ka potlako e kaalo... nako efe ha ba batla. 'Me ba theotse mollo leholimōng. Ba thiba pula ho na maholimōng, nako eo ba e ratileng. E ne e le mang? Hantle Moshe le Elia. 'Me lipaki tse peli ke tseo.

<sup>730</sup> 'Me ba ile ba tuba kereke, kapa lefatše, ka therò ea bona; le ho amohela Bajuda hape, le ho ba khutlisetsa pakong, ho ba khutlisetsa ho lumela ho... Mohla ba boneng Jesu a tlela Monyaluo, ba tla re, "Bonang, enoa ke Molimo oa rōna esale re O shebeletse. Ke Eéna!" Empa ha A tlele bona; O tlela Monyaluo oa Hae. 'Me Monyaluo oa Hae...

<sup>731</sup> Josefa o ne a kene Egepeta, a se ke a nka banababo ho eéna, empa o fumane monyaluo oa hae mono. Kannete! Empa eareha a itsebisa banababo, ho se motho teng. Ke hantle haholo. 'Me mohla A Itsebisang Bajuda bana, ho ke ke ha eba le motho e mong mono haese Bajuda. Ke bona ba bolaileng Josefa, ho ema mono; 'me o itse, "Be, ke 'na Josefa, moena oa lōna." Eaba o a lla.

<sup>732</sup> 'Me ba itse, "Joale re tseba hobane re tla phetetsoa, hobane re 'molaille."

<sup>733</sup> Ho a tšoana, Bajuda bao ba tla kena nakong e khōlō eo ea tllokotsi pele ho ho khutla joale, lloriso e tla ba potlakisetsa lehaeng. Eka hoja e le ho ba hlahlela bohle sa mohlape oa manku morao Thaba Karmeles koana.

<sup>734</sup> Mohla Morena Jesu a tlelang Monyaluo oa Hae, 'me ba Mo bona, ba tla re, "Ke Eo esale re mo shebeletse, ke Eo!" O tla hlaha ka pholiso mapheong a Hae. Ke hantle.

<sup>735</sup> 'Me kereke, masalla a Bajuda, qetellong etlareha ba bolaea baporofeta ba babeli bana, 'me ba rapaletse seterateng se bitsoang Sodoma le Egepeta ka puo ea moea, e leng moo Morena oa rōna a thakhisitsoeng, ba romellana limpho (ka temalo ea lefatše).

<sup>736</sup> Joale, Moena Palmer, ke moo. Sheba morao nalaneng ea Boroma 'me u tla fumana sechaba se le seng lefatšeng lohle se kileng sa romela limpho kamorao ho ntoa, ke Emphaya ea Roma.

<sup>737</sup> Lebaka la ka ho tlaleha antikreste a etsoa Roma. Sebata se tsoile Roma, se ke ke sa tsoa Moskow. Se tsoa Roma, drakone e khubelu e emeng pel'a mosali ho metsa Ngoana hae ha A se a hlahile. Diabolosi eo, diabolosi eo o ne a le hokae? E ne e le mang? Sesare Augusto ea rometseng 'me a boalea bana bohle ho qala ka ba lilemo li peli ho ea tlase. Drakone e khubelu, drakone, sebata se bolela "matla." Matla a Roma a hlorisitseng 'me a leka ho fumana Kreste Ngoana eo.

<sup>738</sup> 'Me ke eona ntho eo! Kamehla enereha Maroma, Maroma a khale a bahetene kamorao ho tlholo e khōlō, ba romellane majoe a masoeu le ntho eohle, e le limpho joalo, e le lihopotso. Ka hona majoe ao a neng a... Seo e neng e le sona, e le limphonyana tse romeloang lipakeng tsa kereke ea Roma. Kannete! Hantle. E tlameha joalo.

<sup>739</sup> Nkile ka ema hantle mono Motse oa Mopapa ka e netefatsa ka Bibele. Mopapa o roetse moqhaka oa botrintase, *Vicarii Filli Dei*, lintho tseo tsohle tseo ke li utloileng le tse joalo, ke 'nête e tiileng; sehlopha sa borapeli se laolang sechaba se seng le se seng tlasa Leholidō, ebile se etsa joalo. Ke eo, e joalo.

<sup>740</sup> Ha se letho le khahlano le batho ba Katolike (che, monghali), ba lōkile hakaalo ka motho mang, empa borapeli ba bona bo phoso ho latela Bibele ena. Eféla ha Bibele ena e népile, ba phoso. Ba ipolela ba sa... "Ha se lebaka seo Bibele e se buang, ke seo kereke e se buang." Re a lumela Bibele e bua ka boholo bo phahameng! Kannete, ke Lentsoe la Molimo.

<sup>741</sup> Ka hona mono le a bona, majoe ana a rometsoeng mohlang oo, a Tšenolo mona, ke e—e limpho tsa majoe tse romelloang e mong ho e mong. Taba e bontšang feela... Bibele e boletse, Tšenolo mona, e itse, "Ea nang le bohlale a bale linomoro tsa sebata. Ea bohlale a etse *hore-le-hore*. Ea nang le moea oa lineo tse itseng a etse *hore-le-hore*." Na le bona kamoo kereke e haelloang kateng?

<sup>742</sup> Mohlankana o mpotsitse ka lineo tsa moea hoseng hona, ka ho bua ka lipuo. Mothaka e mocha, a tsepahetse haholo, ke a kholoa e tla'ba moreri le leng la matsatsi ana. Le mabapi le kereke, ka re, "Boholo ba eona ke nama e ngata. Ha re batle seo, empa re batla ntho ea sebele. Re labalabelo ho e fumana."

<sup>743</sup> U ke ke oa e ruta ka kerekeng; ntho ea pele u a tseba, u fumana, e mong o na le leleme, e mong o na le pesalema, u tla

tšoanelo ho kolokochana le eona. Empa Molimo ha o abile mpho ka boithatelo, e tla iponahatsa. Ke hantle. Le a bona, tseo ke lineo tsa Molimo, ke tsona tseo O li romellang Kereke bakeng sa ho hlola.

<sup>744</sup> Joale, antikreste o tšoere ho kang botle le bobe, o e—e—e sebetsa ka tsela e khopameng. 'Me ke emphaya ea Roma e romellanang limpho, lineo tsa tlhaho. Molimo o romeletse bahloli lineo tsa moea; Boroma bo romellana limpho tsa tlhaho.

<sup>745</sup> Re a lumela Moea o Halalelang ke Seperete, re O amohela ka kolobetso e tsoang Holimō.

<sup>746</sup> Kereke ea Katolike e a ruta, "Eukariste e halalelang ke 'mele oa Kreste; ho thoe ha o ja bohobe bona le kosha, ke *ona* Moea o Halalelang, Moea o Halalelang, eukariste e halalelang." Le a bona?

<sup>747</sup> Re lumela e le lerathana la bohobe, ha re lumele e le 'mele oa Kreste, (re mothating oa ho bo ja metsotsong e 'maloa). Re a lumela bo lekanya 'mele oa Kreste. Empa ha se . . .

<sup>748</sup> Ke eona phapang lipakeng tsa thuto ea Katolike le Protestant. Le a bona? Kereke ea Katolike e re, "'Mele ke . . . Bohobe ke 'mele ka seqo. Kereke e ruile matla a ho fetola ntho ena." Na le bone Mokatolike ha a feta kereke, a inamisa hlooho ea hae, a etsa pontšo ea sefapano? Hobane leseli leo le tuka ka kerekeng mono tlasa tabernakele e nyenyane eo. E na le leseli le lenyenyane ka mono, 'me bohobe boo ba kosha bo robetse ka mono. "'Me oo ke 'mele oa Kreste. 'Me ha u ja hoo, u hlile u ja 'oa Kreste ka seqo selallong sa hao sa pele le maipolelong le linthong tse joalo. U hlile u ja, ka seqo, 'mele oa Kreste."

<sup>749</sup> Re re bo *lekanya* 'mele oa Kreste, le a bona, hore ha se letho lefatšeng haese lerathana la bohobe. 'Me le holane e ne e se bohobe, hojane e le ntho e itseng, e ne e tla tšoantša hona hoo. Feela—feela ka tšoanelo. Leha koana ba . . .

<sup>750</sup> Joalokaha batho bana ba reng, "Nke ke ka kolobetsoa letšeng, ke batla ho kolobetsoa nōkeng."

<sup>751</sup> Phapang ke efe, ha feela u kolobelitsoe? Leha e ka ba letšeng, 'me . . . Khele, Filipi o kolobelitsoe letšeng . . . mohla letona le neng le kolobetsoa. Mohla Filipi a kolobetsang letona letšeng, Moea o Halalelang oa mo hloibila hakaale Oa tlosa Filipi, ha a ka a bonoa limaele tse makholo a mabeli. Ho Mo tlosa ka Moea, ho mo tlisetsa e—e koloi hantle e tsoang Leholidmōng bohole ba limaele tse makholo a mabeli. Amen. Ho a babatseha!

Joale:

**Bahalaleli ba tla lula kae kamorao ho puso ea lilemo tse sekete? 'Me ba tla ba le 'mele oa mofuta mong?** Ke tla e khutlela nakoaneng. [Moena Branham o araba sena ho qala ka serapa sa 820, e le potso ea 74—Mohl.] Ba tla ba 'moho le Jesu.

<sup>752</sup> Ke hantle, e—e potso ea bosupa:

## 72. Re tla ahlola mangeloi joang?

<sup>753</sup> E fumanoa ho . . . Re tla ahlola mangeloi joang? Ka ho ba bara le barali ba Molimo. Mangeloi ke basebeletsi; rōna re bara le barali ba Molimo. 'Me Bibele e boletse re tla ahlola mangeloi. Ke hantle. Joale, haeba u . . .

Potso ea 8:

## 73. Hobaneng moriri ka lebaka la mangeloi a Bakorinthe ba Pele?

<sup>754</sup> Joale motho a mphumanele Bakorinthe ba Pele, e—e khaolo ea 11, 'me re tla bona mono, le tla fihlela hore e—e . . . Ho Bakorinthe ba Pele, oa—oa 11, re fihlela Pauluse a bua. Ha nke ke e fumane motsotsa feela, 'me re tla e bala ka potlako re ntano—re ntano e phethela.

<sup>755</sup> Ke tlameha ho bua taba ka temana e 'ngoe ena mona, ke tšepa Morena a re neha eona kamoo re tšoanetseng ho e fumana. Haeba motho a e fumana . . . Ke a kholoa ke khaolo ea 11, yaa, ke hantle. Joale mamelang ka hloko, ka hloko ruri joale, le tle le utloisise. Joale tšoara letsoalo lohle la hao u le sunye pokothong ea veste ea hao hofihlela ke qetile ho bala sena, le a bona, ho tšoaela ka Lona. Mamelang ka hloko ruri, ena ke HO RIALO MORENA:

*Le be baetsisi ba ka, joalokaha le . . . ke le oa Kreste.*  
(Pauluse o itse, "Le ntšale morao, feela joalokaha ke sala Kreste morao.")

*Ke a le boka, banabesō, kahobane lona le nkhopola nthong tsohle, 'me le bolokile dithuto, kamoo ke le neileng . . . ho lōna kateng.*

*Empa ke rata ha le ka ho tseba, hobane hlooho ea monna e mong le e mong ke Kreste; 'me hlooho ea mosali ke monna; 'me hlooho ea Kreste ke Molimo.*

<sup>756</sup> Na le bona kamoo ho leng kateng? Molimo, Kreste, monna, mosali. Joale:

*Monna e mong le e mong ha a rapela leha a porofeta, a roetse hloohong, o tlotlolla Kreste.*

*'Me mosali e mong le e mong ha a rapela leha a porofeta a sa roale hloohong o tlotlolla hlooho ea hae: . . .*

<sup>757</sup> Joale re nka motsotsa feela, ho le supisa hobane moriri ho mosali ke lesira la hae:

*. . . hobane seo . . . ntho e le 'ngoe leha a beatsoe. (Ho bolelang haeba—haeba a tla kuta moriri oa hae, a mpe a o beole.)*

*Hobane ekare ha mosali a sa roale hloohong, a hle a kutoe: (kuta e bolela ho kutoa, le a bona) . . . joale haele*

*ntho e lihlong ha mosali a ka kutoa kapa a beoloa, a roale ke hona.*

<sup>758</sup> Joale re theohela hantle potsong eo u e botsang mona. Le a bona? Ke hantle, joale ke phoso ho e—e leleiti ho kuta moriri oa hae, ho latela Bibele. Joale le mamele hantle mona le bone haeba Bibele e sa lumelle monna semolao ho lahla mosali oa hae haeba a kuta moriri oa hae, ho bona haeba sena e le 'nete kapa che.

*Efela monna... Haele monna eéna ha a tšoanelo ho roala hloohong* (ke hore, moriri o molelele), kahobane o ho *setšoantšo le khanya ea Molimo: athe mosali o ho khanya ea monna*. (Na le kile la nahana taba eo?)

<sup>759</sup> Joale ke batla ho emisa mona, hoba ke batla e thophothele hantle haholo, le a bona. 'Me joale le hopole, ke bone basali ba ratehang ba mashome a likete (ho ba tseba hantle joale, 'me bongata ba bona ba lutse kerekeng ena) ba moriri o mokhutšoane, e leng Bakreste. 'Me seo ke se buang ha ke otle lōna, ke kamoo le rutuoeng kateng. Le a bona? Ke eona. Moreri oa lōna ha eso le bolelle eona. Empa ofe oa basali ba tabernakele ea joalo, etlaba ba molato. Le a bona, hoba ruri re ba bolella eona.

<sup>760</sup> Joale, joale sheba sena:

*...monna... Haele... (temana 7)... Haele monna...*

<sup>761</sup> Joale, ho bua mang mona? Joale, ka linako tse ling leleiti le re, "Oh, Pauluse e ne e le mohloi-mosali oa khale."

<sup>762</sup> Be, joale re sa le mono, ha re phetleng mona ho Bagalata 1:8, le ho bona seo Pauluse a se buang ka sena, le a bona, ho Bagalata 1:8. Le tla fumana Pauluse a buile mona ho Bagalata 1:8:

*...leha e ka ba rōna, kapa lengeloi le tsoang leholimōng, ha a ka le bolella evangeli esele ho eo le seng le e utloile, a neeloe anathema.*

<sup>763</sup> Joale le se ke la nqosa, le qose Eéna, le a bona.

*Haele monna eéna ha a tšoanelo ho roala hloohong, kahobane o ho khanya le setšoantšo sa Molimo: athe mosali o ho khanya le setšoantšo sa monna.*

<sup>764</sup> Joale sheba temana e latelang:

*Hobane monna ha a nkoa mosaling; empa ke mosali ke oa monna.*

*Hape monna ha a bopeloa mosali; ke mosali ea bopetsoeng monna.*

<sup>765</sup> Joale, sena ke se bolela ka lerato la sebele le ka monate, ke tšepa le se utloisia joalokaha ke se bolela. Empa Amerika... Joaloka mohahlauli oa lefatšeng hohle, Amerika e tšoere e meng ea melao e nyehlileng ka ho fetisa, e tlase-tlase nqa basali ba bona papisong le sechaba sefe lefatšeng. Paris, Fora e ka okamela Amerika hole kamoo ba lumellang boitšoaro ba basali ba bona. Ke lihlong!

<sup>766</sup> Na le lemohile molimo oa Amerika ke mosali? Nka le kholisa eona ka Bibele ena. Ke hantle. Na le lemoha e tlameha ho hlaha joalo ho lumella kereke ea Katolike ho sotetsa thuto ea bona ea movirigo Maria?

<sup>767</sup> Joale, eféla ha mosali a sa etsesoa monna, ha se . . . Eféla ha monna a sa etsesoa mosali, athe mosali o etselitsoe monna, le ka hla la rapela mosali joang? Le a bona? Joale, se entsoe ke'ng, se qalile Paris eaba se fihla Hollywood. Joale Paris e tlameha ho tla Hollywood ho fumana dimotlolo tsa bona le ho qopitsa lifeshene tsa bona le lintho, ke hona ho nyehlisoa ha basali ba rōna ba Amerika.

<sup>768</sup> Ke eng? Sechaba sa rōna se nyenyejetse se bile se amohile monna mesebetsi, se emisitse mosali kantle mona linqalang tsena, hofihlela lipheresentse tse mashome a robong tsa bona, bonnyane, e le liotsoa. 'Me le bua ka ho fela ha banna, ehlile, kahobane ba hlahletse basali mesebetsing ea bona. 'Me ba nyehlile hoo ba hlomang mapolesa a basali ho laola khotsa le toka kantle seterateng. Ke lihlong sechabeng sefe! E, monghali. Le tla etsang ka eona?

<sup>769</sup> "U etsang ka eona, Moena Branham?" Ke tlameha ho e hlompha, ke moahi oa Moamerika, ke etsa se laeloang ke boholo. Haeba le ka mohla ke . . . Ha—ha lelapa le ka lahleheloa ke hlompho ea lelapa (bana ba lahleheloa ke hlompho ho motsoali), lelapa leo le tabohile likotoana. Ha—ha kereke e ka lahleheloa ke hlompho ho molisa oa eona, khele ho felile ka kereke eo. 'Me sechaba ha se lahleheloa ke hlompho ea bona ho lekhota le phahameng le liqeto tsa lona, sechaba seo se tabohile likotoana. Ke hantle haholo. Re tšoanelo ho hlompha lintho tseo hobane ke boholo bo laolang, le a bona. Empa le qalong ha e a lōka. Kannete!

<sup>770</sup> Na le tsebile monna ka Bibeleng . . . oa Genese, khaolo 1, mohla Molimo o bopang mosali le—le monna, le ho etsa monna le basali, eaba Molimo o bolella Eva ho re "monna oa hao o tla u busa, ebe 'misi oa hao"? E bue Amerika u bone u tla fella kae! Moshanyana, hase eona, mosali o laola monna; ba tlameha ho etsa joalo, linqalang tsa bohole ho emisitsoe . . .

<sup>771</sup> Nka tlisa basali, ha nka tlameha, ba tsoang phaposing ea ka mono, ka litosene, basali ba mekhoa e metle . . . ha ke re basali bohole ha ba tlameha ho sebetsa ka linako tse ling; e ka ba monna oa bona o a kula kapa ho hong, 'me ba tlameha ho sebetsa. Empa haeba ba sa tlameha, ha ba tlameha ho e etsa. Sebaka sa bona ke hae, ntlu ea bona ea bokhosatsana, ba tlameha ho lula mono hantle.

<sup>772</sup> 'Me basali ba rōna ba Maamerika ba foue monyetla ho ea ja kolobe kapa ho shoa. Esita le har'a liphoofolo tsohle le linthong tse joalo, ha ntho e joalo e ka atleha, e a hlaha 'me e nyehlisa maemo a morabe ohle.

<sup>773</sup> Nonyana e teng Afrika, 'me ke nonyana e kobo-kobolang.

<sup>774</sup> Joale, ka tloaelo, e tšeħali ke e mpe bobeling ba tsona. Kamehla e tona ke e ntle, khama e tona, eleke e tona, fisante e tona, e—e khoho e tona, 'me kamehla e fetisa . . . Hobane, e tšeħali ke nonyana ea lapeng. E lula sehlaheng, e holisa malinyane a eona. E ikhakanyetsa phakoe, nōha, phokojoe, le eng hape, le a bona, ho holisa malinyane a eona.

<sup>775</sup> Empa morabeng moo ho . . . kapa boleng ba—ba—ba mosali, kapa e tšeħali, e ntle ho feta, ke mofuta o nyehlang kamehla. Koana Afrika, ha u nka nonyana . . . Nonyana e teng mono, ke tseba eona feela hara likontinent tsoħle, e tšeħali e ntle ho feta e tona. 'Me ha e etsa . . . Eona—eona nonyana eo ke seotsoa molebe. E hloaela hohle e itholle molekane, e tlohe e alame mahe a seħlopha ha e se e kōpane le e mong, e nt oo siea molekane a fuame mahe nakong ha e tħolile ho ea itsomela molekane e mong. Ke hantle haholo. Le a bona? Le bona seo ke se bolelang?

<sup>776</sup> Kahare, joale shebang, ho la Amerika kajeno, ea basali ba rōna. Ke boleletsoe ke mohlankana ea tsoang Kentucky, matsatsi a 'maloa a fetileng, morafong o mong mona Kentucky keha ho sebetsa basali ba makholo a robeli. 'Me o itse, "Ke phuthulohile ho hlapanya ho tlaleha makholo a mane a bona e le liotsoa tsa seterata, athe ke basali ba nyetsoeng ba nang le bana." Mothaka e mong o ntšitse mosali oa hae mono a mo sebetsa ka makhotla, 'me a batla ho 'molaea. Athe e mong o tħolile a thunya monna. Le e mong ba hlabana 'me ba loana. Ha se tħoanelo. Ha e a lōka.

<sup>777</sup> Beha mosali ka kokosing moo a tħoanetseng, tsoħle li tla itōkela. Empa ha u 'meha kantle mona mosebetsing oa sechaba, ho felile ka eéna. Kanne- . . . Ha ke re . . .

<sup>778</sup> Basali ba Maamerika ba sumu nko tsa bona ba re, "Ha ho letho ho Eona." 'Me, "Ak'o mpontše." Ruri, u tlameha ho e etsa, hobane Bibele e le tlalehile le tħla e etsa. Le tlameha ho e etsa.

<sup>779</sup> 'Me mona mohla . . . Meh leng, ea khale nako e fetileng, kerekeng ea Methodise, enereha mosali a kuta moriri oa hae, a khaoloe kerekeng. Ruri, ba entse joalo. E, ehlile. Manazarene, Pilgrim Holiness, Mapentekosta, e ne e le tloaelo ea bona mehleng. Ebe ho etsahetseng?

<sup>780</sup> Le a tseba hobaneng? Le emisitse bommisi kamorao ho sefala. Ke hantle haholo. Motho ea tħabanang le tekete ea lijo tsa bona . . . ba tħaba hore u tħla ba khaola, ho lelekha kerekeng. Ba ne ba se sebete se lekaneng ho ema, ho ema Lentsoeng la Molimo ebang Le hħaba kapa Le se joalo. Ke hantle haholo.

<sup>781</sup> Mamelang mona, monna ke molaoli. U se ke oa nahana hore u tħla laola ntlu. Ha u laole ntlu. Ruri u . . . Ha u lekhoba joale, empa u molekane. 'Me Adama . . . Monna o na le taolo holima mosali oa hae, 'me u jere boikarabelo bo tħletseng ho mosali oa hae. Molimo o tħla batla monna ho ikarabelha ka mosali oa hae. Joale, u ka bala ua bona haeba Molimo o rialo joale.

*Haele monna eéna ha a tšoanelo ho roala hloohong,  
kahobane o setšoantšo le eona khanya ea Molimo: . . .*

<sup>782</sup> Molimo hase mosali, Molimo ke Monna. Le a tseba mohla ba fetolang movirigo Maria le seo sohle, le 'mue- . . . kapa baemeli le ntho tsohle tse joalo, le ho rapela movirigo Maria, na le a tseba e nkhopotsang? Molimotsana e moholo Diana, eo Pauluse a mo ahlotsgeng a mo leleka. Ke hantle. O itse, "Khele, Molimo hase mosali!"

<sup>783</sup> Lefika le ne le oele naheng, 'me ba itse molimotsana o lihetse setšoantšo sa bona, lebaka leo mosali Korinthe, le holimō ka mono, e . . . ba rapetseng Diana, ba ne ba batlile ho ba bareri.

<sup>784</sup> Ba itse, "Khele, re laetsoe ke moea ho rera."

<sup>785</sup> O itse, "Eng? Ana Lentsoe la Molimo le tsoile ho lōna, ana le tsoile ho lōna le le bang? Ekareha motho a itekanya hobane ke motho oa moea leha e le moporofeta, a tsebe hobane seo ke se bolelang ke melao ea Morena: mosali a khutse ka boikokobetso kerekeng, a se ke a ruta kapa a laola." Ke eona! Ke seo Lengolo le se boletseng. Le a bona? 'Me Molimo o tla botsa bareri ba bangata boikarabelo ba seo ka Letsatsi la Kahlolo.

<sup>786</sup> Be, mamelang! U re, "Be, ke a u bolella, 'na ke rutuoe joalo." Joale u tseba hantle! Ke hantle. Ha uena kapa motho e mong a qala a moma mothamo oa moriana, 'me motho a u bolella hore ke aseniki, ebe u—u tsoelapele ho noa leha ho le joalo, ke molato oa hao kamorao ho moo. Le a bona?

<sup>787</sup> Joale mamelang sena:

*Hobane monna ha a nkao mosaling; empa ke mosali ea nkiloeng monneng.*

*Ka baka leo mosali o tšoanetse a be le matla a ho busoa hloohong ea hae ka baka la mangeloi.*

<sup>788</sup> Na le ntse le bala e mong le e mong oa lōna? Bakorinthe ba Pele, khaolo 11, le temana 10. Ha u ka ela hloko, "matla," (Hobaneng?) "a mangeloi," Bakorinthe ba Pele, hobane lengeloi ke monna, moromuo. Shebang, ke "le" ka tlhaku e nyenyane hape. Moo ho akhang Mangeloi kahare, e leng Mangeloi a Leholimō, ke e khōlō "M," ka tlhaku e khōlō "M." Haele "le" ka tlhaku e nyenyane, ke banna e leng mangeloi.

*Leha ho le joalo monna ha a teng . . . kapa mosali, . . .  
le mosali ha teng kantle ho monna—monna, Moreneng.*

*Hobane joalokaha mosali a nkiloe monneng, le eéna  
monna o tsoaloa ke mosali; . . . tsohle ke tsa Molimo.*

*Le ke le ahlole . . . bolōna: hore na ho a lokela hore  
mosali a rapele ho Molimo (ka moriri o mokhutšoane)  
a sa roala? (e nahanneng joale)*

<sup>789</sup> Joale elang hloko:

*Na le tsona lipelō tsa lōna li a le ruta, hoba, monna ha  
a na le holisa moriri oa hae, . . .*

<sup>790</sup> Ho re, “E ne e lebahane le eng?” Moriri. Na ha le bone seo Pauluse a buang ka sona? Moriri, moriri o molelele! Haeba. . . Mosali o tlameha a be le moriri o molelele. Temana 14 joale:

*Na le tsona lipelō tsa lōna li a le ruta, hoba, monna ha  
a na le holisa moriri oa hae, ke ntho e lihlong ho eéna?*

<sup>791</sup> Le a e tšoara? Ke lihlong ha monna a holisa moriri oa hae, empa mo. . . . ke tšoanelo ea mosali eo. Molimo o entse monna a fapane le mosali, ka boleng le ka tšobotsi, le ka sohle. Ha a tšoanelo ho apara seaparo. . . . Bibele e itse “Ekareha mosali a apara para ea liseleke leha e le seaparo sefe sa monna, ke manyala le litšila le ntho e nyonyehang mahlong a Molimo.” ‘Me Molimo o tla mo phetetsa. Ebe na le tla mamela mang?’ Empa ena ke Bibele!

<sup>792</sup> ‘Me le matha hohle le re, “Khele, ke hopola ho le hotle ha. . . . ho bona basali ba apara liseleke.” Empa Molimo o ba entse ba fapane, O ba batla ba apere ka ho fapana.

<sup>793</sup> ‘Me Bibele e itse, “Mosali ha a apara seaparo sa monna, ke manyala.” Na le a tseba *manyala* ke’ng? Ke “nyee e nyonyehang mahlong a Molimo.” ‘Me Jehova e Moholo Ea u talimang u le nyee e nyonyehang. . . . ‘Me Bibele e boletse. . . .

<sup>794</sup> ‘Me lōna ba reng. . . . Lōna maleiti a mang joale, ho banana ba lōna ba lilemong tsa bocha, tsa leshome-robeli, lilemo tse mashome a mabeli, le ba lumella ho mathaka kantle mona a apere joalo!

<sup>795</sup> Le uena, hape, mama! Le a bona? Ha u tsoela kantle u apara liseleke tseo le linyee le ho phela. . . . le ho kena seterateng, le—le ho tena liaparo tseo tsa khale tseo ba li etsang mehleng ena, tse le fetolang hore le shebebe le se seo le leng sona. Le a bona? ‘Me le tsoela kantle seterateng le chachehisa ’mele, mohlomong u hloka sekoli ’me u hloekile pel’ a monna oa hao le ntho eohle, empa ha u tsoela seterateng ’me monna a u sheba kahobane u ipepesitse joalo, u molato, ’me u tla arabela bofebe ka Letsatsi la Kahlolo le monna e mong le e mong ea u shebileng joalo. Ke seo Bibele e se buileng.

<sup>796</sup> Bibele e itse, “Ea shebang mosali ho mo lakatsa, o se a mo febile pelōng ea hae,” ebile u molato ’me u tla. . . .

<sup>797</sup> Ha u fihla kahlolong ’me u re, “Morena, U tseba pelō ea ka; ha ke eso febe le ka mohla, ke pheletse monna oa ka botšepehi.”

<sup>798</sup> Empa ho tla fihla monna mona, e mong ke enoa, e mong mona, e mong, e mong, ba leshome-hlano, ba mashopeli, ba mashotharo, ba mashonne ba eme mono ba ntse ba re, “Molato oa bofebe!” Hobaneng? Monna o ile a u sheba.

<sup>799</sup> “Be, ha ke a amana le eona ka letho.” Be, hobaneng u ile oa ipepesa joalo? Athe Molimo o u thibetse ho apara linyee tseo, e ne

e le manyala ho etsa, 'me u a tloha u mamela *Ke Mang Ea Ratang Susie?* Kapa ke'ng nyee eo . . .

<sup>800</sup> Ana le tsebile se hlahetseng monna oa *Ke Mang Ea Ratang Susie?* Le sa tsoa e bona bohle haufinyane mona pampiring. Mohla re ne re tsoile bohle ka Casper, Wyoming, eaba e a hlahella. 'Me lebitso la hae ke mang? Mothaka eo ea . . . o hlaha ho *Re Rata Susie*, kapa ebe—ebe e ne e le eng le hona? Ntho . . . Oh, seo le se sallang lapeng Laborarō bosiu le fosoa ke tšebeletso ea thapelo ho se shebella. Kapa nyee eo ke'ng joale? *Re Rata* . . . Kana nyee eo e bitsoang? [Khaitseli e mong o re, "Ke Rata Lucy."—Mohl.] *Ke Rata Lucy*, eo monna oa hae ho thoeng . . . o hloaela hohle, eaba o pitloa koana Reno, Nevada, le ngoanana oa bambmala, o phetse le eéna lilemo. Ke sona seo le se sallang lapeng ho se shebella sebakeng sa ho ea, ho utloa Evangeli. Mosali o ipoletset eona. Oh, mohau! Ha ho letho le hloekileng kantle ho Jesu Kreste!

<sup>801</sup> Pelō ea hao e bokoe, moena, ke—ke tla u bolella uena—uena mothaka, tse ling tsa . . . U re, "Oh, banna, shebang tlelase eo." A mang a—a manong a nyelisehang ka ho fetisa ao re a fumanang, bomofielammila, ke linonyana tse ntle. Ha u ahlole nonyana ka litšiba tsa eona, le a bona. Le mpe le hopole seo feela. Oh, banna!

<sup>802</sup> Joale shebang:

Na *le tsona lipelō* . . . (ke temana 14 eo) . . . *li a le ruta, hoba*, ke lihlong ha moriri oa monna o le molelele? (Ke tšoanelo ea mosali eo.)

*Athe mosali ha a na le holisa moriri oa hae, ke khanya ho eéna: . . .*

<sup>803</sup> Joale o ntse a bua ka'ng? Katiba e roaloang ke lōna batho ba Katolike ka kerekeng? Lekhale bo! Lesirana hloohong ea hao, ka sakatuku? O ntse a bua ka moriri oa hao!

<sup>804</sup> Joale! 'Me ha mosali a kuta moriri oa hae, o kuta khanya ea hae, 'me ha a lumelloe aletareng ho rapela. Le a bona, ke sona seo e se buileng hantle mona, "Na ke tšoanelo ha mosali a rapela a sa roala hloohong?" Ho bua mona, ho re, "Be, u tlameha ho kuta moriri oa hae." A hle a beloe shoeek hona. "'Me ekareha a beoloa shoeek," ho itsoe, "ke lihlong, ke tlotollo ho mosali ho etsa hoo." Eaba ho thoe, "A roale ke hona." Joale, ke mpa—ke mpa ke bala lengolo la Pauluse feela. Lōna bohle, e itšetlehile ho lōna, le a bona.

*Athe ha mosali ha a na le holisa moriri oa hae, ke khanya ho eéna: hobane o filoe oona moriri e tle e be lesira.*

<sup>805</sup> Na ho itsoe o tla fuoa katiba? Lōna batho ba Katolike kapa lōna Maprotestanta, efe feela, le kenang kereke 'me le batla ho roala katiba, ho re, "Be, ke ea kerekeng, ke mpe ke roale katiba."

Che, u tšoanelo ho holisa moriri oa hao. Ke eona phapang. Le a bona?

*... hobane o filoe moriri e tle e be lesira.* ('Me ke lihlong ha a kena kerekeng a sa roala, ho fetela aletareng ho rapela.)

*Empa ekareha motho a rata e—a rata e...* (Ha ke kholoe ke khona ho qapolisa lentsoe leo, c-o-n-t-e-...) ... *Khang—khang* (le a tseba khang ke'ng), *rōna ha re na mokhoa o joalo, le tsona Kereke ea Molimo ha e na oona.*

<sup>806</sup> Joale ha u batla ho nganga ka eona, nganga le Hoo. Ke hantle, ha u batla ho pheha khang ka eona, "Oh, ha e etse phapang. Ha re ba leseng ba tsoelepele. Khele, ke a kholoa hase letho. Ke... Hase seo moriri o leng sona, le hona, ke seo pelō e leng sona." Ke 'nete; pelō ha e lōkile, moriri o tla lōka (Uh-huh).

<sup>807</sup> Tsoelapele, ha u batla ho pheha khang, Pauluse o itse, "Rōna ha re na mokhoa o joalo, le Kereke ea Molimo ha e na oona." Ho re, "Ha u batla ho oela lehlakoreng la Kaine, be, tsoelapele feela." Empa Sena ke seo Pauluse a neng a se bolela.

<sup>808</sup> Oh, ha ke a ikemisetsa ho tšeja, hoba hase taba e tšejisang. Empa ke a le bolella metsoalle, ke lihlong ho bona kamoo lintho tsena li lumelloang ho etsahala. Ke...

<sup>809</sup> Mamelang! Ho lōna, likhatitseli tsa ka tse ratehang, ke le batla le shebeha ka bokhabane bo fetisang le khahleha ka ho fetisa, le tlameha ho ba joalo. Le tlameha ho ba joalo. 'Me u tlameha u be mosa 'me u nchafetse le sohle ka bokhoni ha monna oa hao a fihla, joaloka eo e ne e le moratuoa oa hao. 'Me u tlameha ho mo khahlanyetsa monyako feela ka—feel ka kako e monate ba mohla o mo akang aletareng ho ba monna oa hao. Ke hantle. Ha ke u qosetse ho shebeha ka bokhabane ka bokhoni ba hao le ho shebeha ka bokhane bo fetisisang. 'Me ke u batla u le joalo, Molimo o ntseba ke etsa joalo.

<sup>810</sup> Mona nakoana e fetileng, ke qoqile le Jack Shuler. Ke mang ea utloetseng ka Jack Shuler? Moreri ea tummeng ka ho fetisa eo Methodise e kileng ea mo tšoara. O itse, "Mosali o kile a tla 'me a re... moriri o silafetse ka bottlalo, a ntse a hlafuna boroku, a apere halofo ea liaparo tsa hae, ho re, 'U a tseba, monna oa ka ha a sa 'mamella.'"

<sup>811</sup> A re, "Ha ke mo qose."

<sup>812</sup> Ke hantle. Joale, empa seo u tlamehang ho se etsa, u tlameha ho itlhophisa ka tšoanelo. U se ke oa qopitsa nchafalo ea hao le botle Hollywood, bo qopitse Bibeleng, ka pel'a Molimo. Eba leleiti, itšoare seleiti, apara seleiti, u hloeke. Itšoare seleiti, u se ke oa apara ntho tseo...

<sup>813</sup> Monna ofe ea lesang mohatsae ho tsoa a apere linthoana tseo pel'a banna, le linyee tseo tsa khale... ho tsoela joanng a hela

jarete, le linyee tse kang tseo, mestere, ke a u bolella, moena! Ha ke—ha ke a ikemisetsa ho khohlahala, ke . . . Molimo o tseba hoba e lutse pelōng ea ka. Empa ke tla tlameha ho . . . Ke tlameha ho fetoha haholo pele ke lumella oa ka. Ke tla lula holim'a leralla ho busa halelele kamoo nka khonang, le a bona; 'me ha ke sa khone, ke tla sutha mono. Ke hantle.

<sup>814</sup> Oh, moena, ke lihlong le sekhobo ho basali ho etsa joalo. 'Me ha ke—ke bolele, khaitseli . . . Ha ke—ke u nyefole, ke mpa ke leka ho re . . . Kereke ea rōna mona ha e na litho, ke batho ba tlang mona feela. Empa ena ke ntlu ea Molimo, 'me ruri re bolella batho ho se apare linyee tseo. Hore ke . . . u tla e arabela ka Letsatsi la Kahlolo. Joale shebang mona. 'Me u holise moriri oa hao, le a bona, 'me u be leleiti.

<sup>815</sup> Joale:

*Joale seo ke se bolelang se . . . mpang ke sa le boke, hoba ha le phutheha ho . . . hase ho eketsa molemo, empa e le bobe.*

*Hobane taba ea ho qala, ke hore ha lea phuthehela kerekeng, ke utloa hoba liphapang li ba teng har'a lōna; le tse joalo, . . . (joale e fetela tafoleng ea selallo)*

<sup>816</sup> Joale mamela Seo. Ke baka leo mangeloi . . .

<sup>817</sup> Joale, Moena Palmer, ha ke u laele teiping ena ho rera tlase mono seo ke se etsang mona. Empa u tseba hantle le hona hle, le uena ka ho ba moreri, u a tseba seo ke 'Nete, moena. Ke hantle.

<sup>818</sup> Ka baka leo *mangeloi* mona ke "banna." Ha u ka ela hlоко, Moena Palmer, ke tlhaku e nyenyane, "mangeloi." 'Me Bibele e tsoelapele . . . O ntse a bua ka monna le mosali oa hae, le a bona, sehlooho se itsetlehile moo.

<sup>819</sup> Ke kamoo batho ba ferekang hakana Bibeleng, ba re, "Be, Molimo o bua se seng *mona*, le se seng . . ." Che, u—u ntse u fapoha sehlooho. Lula sehloohong seo hantle, ke phetho. O ntse a bua ka monna le mosali.

<sup>820</sup> Joale ke batla ho otla ntho e 'ngoe pele re koala, e tla nkuka metsotso e ka bang 'meli:

#### **74. Bahalaleli ba tla lula kae ka morao ho puso ea lilemo tse sekete? 'Me ba tla apara 'mele oa mofuta mong?**

<sup>821</sup> Ke hopola e le potso e hlabosang ka ho fetisa eo, ke rata seo feela. Joale ha re e shebeng ka ho otloloha feela.

<sup>822</sup> Tšimolohong, Molimo . . . Re tla khutlelana le thuto ea rōna ea Baheberu metsotso e 'maloa feela. Molimo e ne e le seliba se seholo sena, sa mebala e meholo e supileng. Ba e tsebang ba bakae? Le a bona? 'Me ba bakae ba tsebang hoba Molimo o na le Meea e supileng? Kannete, Meea e supileng. 'Me konyana e ne e na le mahlo a supileng, le joalo-joalo, seo sohle se kōpana 'moho joale. Le a bona? Joale, e ne e le Molimo oo.

<sup>823</sup> Joale eitseha A (Logos) e tsoa ho Molimo, e le Molimo o tsoang selibeng se seholo sena se le seng ho kena 'meleng ka sebopheho sa e—sa motho; 'me sa etsa Logos, eo re e bitsang theofani.

<sup>824</sup> Joale, ha u nka theofani ha u e shebile, ke motho. Joale haele moo re... Joale, re ne re le mono tšimolohong. Joale, hona joale ha le e utloisise, empa morao tšimolohong le ne le le joalo. Mohla motho a na etsa... Mohla Molimo o etsang motho ka setšoantšo sa Oona, O mo entse e le theofani. 'Me Oa mpa oa 'meha nameng... Mohla Molimo o etsang motho ka setšoantšo sa Oona, ka ho tšoana ha Oona, ba ne ba... Ho Genese 2, ho ne ho e na le... kapa Genese 1:28, ke a kholoa, "Ho se motho ea lemang mobu," feela Molimo o se o entse e motona le e motšehali. Ke hantle, "Ho ne ho se motho ea lemang mobu."

<sup>825</sup> Eaba Molimo o theolela motho tlassana oa mo kenya bophelong ba phoofolo, oo ke 'mele oa hae, o tšoana le oa liphooefolo feela a tle a leme mobu, a tle a ame. Theofani eo ha e ame, ha e bone, latsoe, fofonele, utloe; lithukutlo tsena tsa rōna. Eaba Molimo o beha motho tlase mono a tle a khone ho—ho ama le ho phopholetsa.

<sup>826</sup> 'Me—'me eareha a tsamaea tšimong ea Edene, pele joaloka theofani (joaloka Moea o Halalelang ka mona joale o tsamaeang ka mona), e ne e tsamaisa bophelo ba phoofolo. E laola sohle, empa e sitoa ho lema mobu, le a bona. Eaba Molimo o mo beha nameng ho lema mobu. Oa mo neha lithokutlo tsa hae tse hlano, ho lema mobu le ho hlophisa e—e tšimo ea merara le—le lintho tse joalo, feela motho a bonahala a ntse a hlorile. Oh, sena ke setšoantšo se setle.

<sup>827</sup> Shebang, hoba mohla motho a entsoeng khetlo la pele, o entsoe batho ba babeli 'moho. O entsoe e le e motona le e motšehali 'moho, motho o ne a le joalo. Bibebe e mo boletse joalo. Molimo oa etsa motho e le e motona le e motšehali, "Oa mo bopa." Elang hloko joale, mohla motho a aroloang ho theofani 'me a behoa nameng, o ne a—o ne a se mono hammofo feela; karolo ea boleng ba hae e sa ntse e le theofani, ka hona e sa shebahale hantle.

<sup>828</sup> Mono ha tsamaea khomo e tona le e tšeħali, pere keha e itsamaela mono, keha ho tsamaea poho mono, 'me sohle se tsamaea mono, ka bobeli. Empa Adama, a... e ne e le... Le a bona, ntho e ne e haella. Eona tabatababelo eo e supile molekane ea mo emetseng a le teng. Le a e tšoara na? 'Me eona mehopolo ea rōna e reng mona re tlameha ho shoa, e re tsietsang e re phothomang, re labalabela Bophelo bo se nang lefu, hoo ho supa hobane bo re emetse. Le a bona?

<sup>829</sup> 'Me Adama o ne a hlorile. 'Me Molimo, ho ba supa ba ke ke ba arohana le ka mohla... Joale ke tla khutlela nthong eona ena, motsotsoana feela.

<sup>830</sup> Shebang, ha A tloha ho ea kha lerole ho etsa Eva, empa O bopile ho tsoa leroleng la ho qala, Adama. Oa ntša lehopo lehlakoreng la hae oa mo etsetsa molekane, 'me e le Eva. O ne a etsetsoe monna, e le karolo ea monna. E ne e le karolo ea hae tšimolohong, popong, kahara theofani. E ne e le karolo ea hae tlase mona popong ena. A ke ke a aroloa popong e 'ngoe, a tlameha ho etsoa popong eona eo.

<sup>831</sup> Ke ka lebaka leo Kreste le Molimo e neng e tlameha e be Motho a le mong, e ke ke ea eba letho le fapaneng. Holane E ne e le motho ea lōkileng kapa moporofeta, A ka be a sitiloe ho ba Molopolli; O ne a tlameha e be 'Mopi ka Seqo. Empa joale E sa ntse e le theofani, le a bona, le kamoo A neng a le kateng mohlang oo.

<sup>832</sup> Joale motho o ne a theohetse mona 'me a—a babatseha; 'me Molimo o e ratile, Oa re, "E ntle, ba ke ba lule holim'a lefatše 'me ba phele mono kamehla. Ke phetho; ka—ka Bosafeleng, joalo le joalo le joalo. E re se mele feela, le semela se seng le se seng se hlahise, le sohle ka mokhoa oo. 'Me motho a phele, le liphoofoli li phele, le sohle sesele, kamehla le mehla. Ho itōketse." Le a bona?

<sup>833</sup> Eaba ho kena sebe. 'Me ke batla ho etsa tlhahiso ena. Kahara . . . Batho ba bangata hakaale ba etsa phoso e tšabehang ka Lengolo le le leng lena, moo ke ka Pesalema 23. Ba E bala ka mokhoa ona, "E, leha nka tsamaea khohlong e lefifi ea moriti oa lefu." Joale, ntho e joalo ha e fumanoe. Bibele ha e rialo, seo, "Moriti o lefifi oa khohlo . . . khohlong e lefifi ea meriti ea lefu."

<sup>834</sup> Ho thoe, "Leha nka tsamaea khohlong ea moriti oa lefu." Joale, pele moriti o ka ba teng, o tlameha ho fumana leseli ho etsa moriti. Le a bona, Davida ka ho ba moporofeta a le tlasa tlolo, ha a etsa phoso, o buile 'Nete feela: "E, leha nka . . ." e seng, ho tsamaea khohlong e lefifi, empa, "khohlong ea meriti ea lefu."

<sup>835</sup> U tlameha ho khantša pheresente e baliloeng ea leseli ho akhela seriti. 'Me ho joalo le mona. Re batho ba tlhaho le ba kaholim'a tlholeho 'moho. 'Mele ona o tlasa bohlanka ba lefu, 'me o hlahisitsoe ke mosali; hase ka letho haese ka . . . Hase ka Molimo, u sehlahisoa sa Adama le Eva. U le motšo, mosoeu, kapa seo u leng sona, u sebeoa, lehlomela la Adama le Eva. Hoo ho fetola 'mele oa hao "ho tsoalloa sebeng, ho bopeloa bokhopong, ho tla lefatšeng u bua mashano." U ahlotsoe 'me u tsuoeq qalong ea bophelo ba hao, ekasitana ho se le ona, monyetla ha o eo.

<sup>836</sup> Joale, erekaha moea oa hao o tlie ho uena ka tlhaho, le ka tlhaho ho tla ka kōpano ea bong, takatso ea banna le basali e hlahisa ngoana oa lefatše. Ha u lesa ngoana eo a le mong, 'me u sa mo rute letho le lōkileng, o tla fosahala. U sa mo rute botle leha e le bobo, o tla khetha bobo. Hobane ke tlhaho ea hae ho etsa hoo.

<sup>837</sup> Sheba lesea la khale, a sa le *mokaalo*, o hlanya hakaale; o tla feela...o—o tla suha matsoho a hae, a tlerefale sefahleho, phefumoloho ea hae e phafunyeha. Ehlide. Ke eng? Ke tlhaho ea hae. O futsitse papi le kapa mammi oa hae, e mong; o mabifi a ho loantsa saga e hobang, kapa deddi oa hae. Haeba ba ne ba se joalo, ntataemoholo kapa nkhona'e. Le a bona, ke lehlomela.

<sup>838</sup> Ka baka leo hoo ho etsa...U tsoalloa lefatšeng. U tla ka tlhaho, 'me botho bohle ba hao bo ntšofetse bo a nyonyeha, bo rohakiloe, bo ahlotsoe 'me bo habile liheleng. Ke hantle!

<sup>839</sup> Empa ha u tsoaloa labobel, Leseli la Molimo le khantšetsa kahara soule eo (allelua) ha e sa hlola e le khohlo e lefifi, empa ke khohlo e moriti ho eona. Mohlomong mona u siriloe ke nama, le ke lintho tse holim'a sefahleho sa rōna, empa ho na le Leseli le lekaneng ka mono. 'Me ka letsatsi le leng Leseli leo le lefifi li tlameha ho arohana! 'Me leseli ha le chaba, lefifi le a apoha. 'Me mohla re tlohang ho kena 'meleng oo le Kreste, lefifi le lefu li a nyamela, 'me re phatloha re kena Leseling le phethehileng. Khanya ho Molimo! Ke rōna bao; maloetse ha a sa tla ba teng, ha le sa tšoakane le lefifi hape.

<sup>840</sup> Hona joale re na le maloetse le thabo 'moho, re na le 'mele o koenneng le matla, 'me re na *likahare* le *likantle*, le *meepa* le *metheo*, le thabo le masoabi, le lintho tse joalo. Be, ke seriti feela. Re tšoere leseli le lekaneng ho tseba hore Leseli le teng mono; 'me re sa le kahara 'mele, nameng. Empa ka letsatsi le leng Letsatsi le tla chaba. Ke mohla lengeloi la lefu le lutseng maotong a bethe, ke mohla ngaka e reng ho felile; 'me hona ha tlhaho ho arohana le hoo ho kaholima tlholeho, 'me leseli le boela le rutlulohela Leseling, 'me lefifi le khutlela lefifing. Ebe ho shoang hona ho arapa ho sa shoeng. Ebe ho bolang hona ho apara ho se bole. Ke mohla ho shoang hona ho arapang ho se shoe, 'me re fetoha ho tloha ho libopuo tsa nako ho ea ho libopuo tsa Bosafeleng. U ke ke oa tsoela kantle koo ka lefifi le tletseng, u tlameha ho ba le leseli lefifing. Ke lōna bao. Le amohela 'mele oo.

<sup>841</sup> Re etsa'ng? Be, moena oa ka ea ratehang ea halalehileng, khaitseli ea ka e ratehang e halalehileng, pele ho motheo oa lefatše, mohla Molimo o nong o u etsa ka setšoantšo sa Oona, kapa ho bopa e—e monna ka setšoantšo sa Oona, le ho bopa mosali ka setšoantšo sa monna bakeng sa khanya ea monna, O u entse theofani. Joaloka Oona feela, mohla O itseng "ha Re" ho libopuo tseo O li entseng, "ha Re etseng motho ka setšoantšo sa Rōna ka Sebele, ka ho tšoana ha Rōna, theofani." Molimo o eso fetoha nama, O ne o le theofaning.

<sup>842</sup> 'Me Moshe o Mo bone. Moshe a hooeletsa, "Morena, ntumelle ke U bone."

<sup>843</sup> Oa re, "Tloha u ipate lefikeng, lepatsong." Eaba Moshe o khutlela lepatsong leo; 'me ha Molimo o feta, ho le lehalima ho le

sealuma . . . 'Me Molimo ha o feta, keha O furaletse ka mokokotlo oa Oona ka mokhoa *ona*.

'Me Moshe a re, "E ne e le mokokotlo oa Monna." Allelua!

<sup>844</sup> E ne e le Mang? Melkisedeke ea ileng a theoha, Khosi ea Saleme, ea se nang ntate leha e le 'mé, a se na qaleho ea litšiu le qetello ea bophelo. Ke Eéna eo! 'Me O ile a theoha. Ke Eo ea buileng le Abrahama; ea ileng A ipokella 'meleng oa nama ka mokhoa oo, 'me "Whew!" ho bululela ho ona, ho hata ho kena ka ho ona, le ho theoha ho ja namane, le ho noa lebese le tsoang khomong, le ho ja sereleli le linkhoa tse itseng tsa bohobe. Le Mangeloi a mabeli.

<sup>845</sup> 'Me eitseha ba tsamaea kantle mono, eaba nyee eo eohle e feela, "Whew!" ho nyamela 'me e ikela.

<sup>846</sup> Ke ne ke sa e nahana. Nakoana e fetileng mona, ke ne ke hlahlela khaketlana ea sethunya, ke tšoere raefole .22, ke moetso oa .22 Swift. 'Me lóna baena ba thunyang ka mona le a tseba. Bulete e nyenyane, ke bulete ea lithollo tse mashonne-robeli, e batla e le bolelele *boo*, bulete ea tloaelo ea .22. E batla e laishuo mochoporong oa matla a .30-06. Joale ke... Fekteri e o laesha feela hofihlela maoto a ka bang likete tse 'ne le makholo a mane ka motsotsoana. Ke hantle, empa u ka futha a lekanang... oa a laisha ka bouena, 'me u ka laisha hofihlela ho maoto a likete tse hlano ka motsotsoana. 'Me—'me ho seng joalo, holane u ne u thunya... Re ne re ntse re thunya, letsatsi le leng, ho tsoa lijatereng tse makholo a mabeli, 'me keha bulete e otla lerole, le ne le fofa le pele sethunya se khabola. E lebelo le lekaalo.

<sup>847</sup> U ntano tšoara thuthipiki (le a tseba, karolo e sepharana ea thuthipiki) le ho ngoatha mosili 'me u tlatsa ntho eo mosili, litholloana tse 'ne kapa tse hlano feela, u o tšelete holimō mono, u ntoo hlahlela bulete ea hao ka mono. Ha u eme mona, letsohong la hao u tšoere bulete ka motsotsoana. U ntano thunya thakali e lutseng kantle mane maoto a makholo a mabeli, 'me thakali e ne e sa sisinyeha le hona. Bulete e khutlela maemong a eona a tšimolohong, motšeо koana ligaseng. Bulete ke ena e tsoakiloe le koporo le loto 'moho, 'me ka ho panya ha leihlo feela, e khutlile hoo u sa hloleng u e fumana. E khutletse morao e itšoanelia le mehleng ea eona lilemong tse fetileng tse libilione tse lekholo, morao ligaseng. Ligase tseo li tlameha ho ipopa 'me li khutlela ho koporo le ho loto, le joalo-joalo, ka mokhoa oo. Ligase tseo li lóketse ho tiea hammoho.

<sup>848</sup> Joale, ke moo. Le rōna re a itšoanelia mona, re tsoa ho boleng bo holingoana. Tšimolohong re ne re eme ka setšoantšo sa Molimo. Lesira le lefifi li re sitisa ho e tseba hona joale. Empa Jesu o boleletse barutuoa ba hae O "bile le bona ho eso theoe lefatše." Le a bona? Re ne re le teng! U ke ke oa e tseba joale, empa u ne u le teng tšimolohong. "Me mohla tabernakele ena ea lefatše e senyehang, re na le e re emetseng!" Allelua! Re ntoo

kena theofaning ena, eo re kileng ra phela ho eona, hore re tle re khone ho ja le ho tsukutlana ka matsoho. 'Me lisoule tse tlasa aletare li ntse li hooa, "Ho tla ea hakae, Morena?"

<sup>849</sup> Methati e eang ho Molimo e supile, bakeng sa Meea e supileng ha e—ha E theoha. Ke hantle, ha u kena tlasa aletare ea Molimo, ba ne ba hooa, "Morena, ho tla ea hakae? Na re ka khutla, tlase mona?"

<sup>850</sup> Molimo o itse, "Ho se ho se hokae, hofihlela mohahabo lōna a hlorisoa joalokaha le lōna le hlorisitsoe." Le a bona?

<sup>851</sup> Ebe moo lisoule li khutlang, 'me li fetoha banna le basali hape, le ho phela kamehla le mehla mohla lefifi lohle le lefu le maloetse le hlomoho li ponneng li sa hloleng li le teng; seriti ha se sa le teng, ke leseli la letsatsi ka bottlalo!

<sup>852</sup> Mamelang. Taba ke ena. Leha ho ka fifala hakaalo; ho ke ke ha fifala ho feta tekano empa letsatsi le tla pshatla bohashana bofe le bofe ba lefifi. Lefifi le leseli li a sitoa ho aha 'moho halelele. Hoba e . . . Ho fetisang ka matla ke hofe? Ke leseli. 'Me leseli ha le chaba, lefifi le a baleha. Amen. Na ha le a thaba? Na ha le a thabela ho tseba? Ha ho pelaelo, ha ho seriti nqa efe. Empa Leseli le bokoang lena feela le ahileng lipelōng tsa rōna hona joale, ntho e khutlang e pak: Mora Molimo, matla a Molimo.

<sup>853</sup> 'Me re tsamaea mona, re boha matla a Moea o Halalelang a theoha a tsoa a kena tšebeletsong, le ho re, "U ne u le Mof. *Sekete-kete*, u entse ntho e *itseng*, tulong e *itseng*. Ntho ena e u tubile nako e *kana*, empa HO RIALO MORENA, 'Ema ka maoto a hao, u folile.'" 'Me seritsa se sefolu se eme ka maoto a sona. 'Me monna e leng seriti, ea jeloeng ke mofetše, a tsohele bophelong le 'meleng o monate hape.

<sup>854</sup> Ha ho pelaelo, Jesu o itse, "Lintho tsena tseo Ke li etsang, le lōna le tla li etsa." 'Me O itse, "Ha Ke etse letho pele Ntate a Mpontša."

<sup>855</sup> Ntho eo ke'ng? Ke Leseli le fihlang le tsoakana le lefifi lena, le a bona, ho re lopolla. Na le tšoara seo ke se bolelang?

<sup>856</sup> Joale, ka letsatsi le leng ho khutleloa mono hantle, 'me mohla theofani e fetohang nama e sa shoeng hape joaloka tšimolohong, Jesu o a fihla, 'me Molimo . . . mohla Kreste a fihlang ho ba bang. Kreste o tla lula Teroneng, 'me batho bohle e tla boela eba bana na batho. Kreste o tla be a le teroneng ea Davida, Monna, Morena Jesu; ho se shoe hape. Ha re sa tla shoa le ka mohla, ha re sa tla kula, mahlomola ha a sa tla ba teng, 'me re tla phela mehleng ea lilemo tse sekete.

<sup>857</sup> 'Me mohla lilemo tse sekete li fetileng lefatšeng lena, liabolosi o a nyoloha; ho fihla le tsoho ea bobeli, tsoho ea bakhopo. Ba phutha mabotho a kaale ka mahlabathe a leoatle, 'me ba nyoloha ho thibella liahelo tsa bahalaleli, 'me ha e

etsahala, Molimo o theola mollo le sebabole leholimōng ho ba timetsa.

<sup>858</sup> 'Me Johanne o itse, "Eaba ke bona leholimō le lecha le lefatše le lecha, hobane leholimō la pele le lefatše la pele li ne li fetile, le lona leoatle le ne le le sieo. Eaba 'na, Johanne, ke bona Motse o Halalelang, Jerusalema e Mocha, o theoha Leholimōng ho Molimo, o itōkisitse joaloka monyalua ea itlhophiselitseng monna oa hae." Ke lōna bao.

<sup>859</sup> Mono o itse, "Mosali... Konyana le Monyalua ba tla phela teng kamehla." Lefatše le lecha le tla ba teng, ke lisekoere maele tse limilione le limilione. Oh, banna. Motse, Bibele e lekanya Motse oa lisekoere maele tse sekete le makholo a mahlano. Bolelele ba ona ke lisekoere maele tse sekete le makholo a mahlano, bophara ke lisekoere maele tse sekete le makholo a mahlano, bophahamo ke lisekoere maele tse sekete le makholo a mahlano. Motse o hhalosoa joalo hantle ke Bibele. Ha ho makatse leoatle ha le sa tla ba teng, ha le a fumaneloa sebaka.

<sup>860</sup> Oh, e tla ba botle bo bokakang! 'Me ka mono, seliba se teng hantle Teroneng ea Molimo, se phalla ka pel'a Terone. Sefate se teng mahlakore a mabeli a sefate... a nōka ea Bophelo. 'Me sefateng sena ho hlahile tholoana tsa mefuta e leshome le metso e 'meli, 'me se beha tholoana ea sona khoeli e 'ngoe le e 'ngoe.

<sup>861</sup> Baholo ba mashome a mabeli le metso e mene ke bao. Monyalua ke eo. Ba likete tse lekholo le mashome a mane a metso e mene ke bao, maqhalaha a tempele. Oh moena, re ea nqa e 'ngoe! Li teng lintho tse re emetseng kapele. Ba bane... Baholo ba mashome a mabeli le 'ne. Maqhalaha a likete tse lekholo le mashome a mane a metso e mene. Monyalua ea lutseng le Kreste. Khele, u a bua... Lehæ la ka, Lehæ le monate! Amen.

<sup>862</sup> Ha ke nahana hobane ke fuoe monyetla oa ho ea mono, le uena u fuoe monyetla oa ho ea mono. 'Me hobaneng u ka khetha ho phaila lefifing lena 'me u sa bone Leseli, le ho shoa le ho kena tšenyehong le ho fetoha lefeela? Hoba ha Leseli le hapa boholo ba lona bo phahameng, lefifi ha le na sebaka. Tloha u fumane moo lefifi le ileng teng ha leseli le fihla. Ke mohlang oo, mohla lintho tsohle li khutlisetsoang ho Molimo. Le ne le ena, lefifi le bile le qalo, lefifi le na le qetello. Leseli ha le eso be le qalo kapa ha le na qetello le ka mohla. Molimo ha o eso be le qalo kapa ha o na qetello le ka mohla. Ka hona, ka letsatsi le leng, lefatše lohle le nyelisehang le sebe sohle sa lona le botle ba lona, bo bitsoang joalo, le menyaka eohle ea lona le litšisimoho, le mahalihali ohle a lona le sohle li tla nyamela e be lefeela, 'me ha li sa tla ba teng. Ha le sa tla ba teng, ha le sa tla hopoloa! Esitile, ho itsoe, "Ha le sa tla hlola le hopoloa."

<sup>863</sup> Empa haele bahlonolofatsoa ba Morena ba tla ba le Eéna kamehla. Re tla ba le 'mele o tšoanang le oa Hae ka Sebele o khanyang; le ho phela le Eéna, le ho ja le Eéna, le ho lula le Eéna,

le ho aha le Eéna kamehla le mehla le ka li-aeonse tsa nako; 'me mengoaha ea Bosafeleng e tla thetheha 'moho le lefatše e sa fele.

<sup>864</sup> 'Me u na le khetho bosiung bona. Haeba u sa itökisetsa ho kōpana le tulo eo, ho sa tsottelehe u kena kereke hakakang, u setho se lōkileng hakakang, u lahlehile hofihlela Kreste a u file Bophelo bo bocha lefifing leo u tsamaeang ho lona. Mohlomong u tletse borapeli. Ho tlala borapeli, mamelang, metsoalle, borapeli ke hlalefo. Le a bona? Bana bohle ba Kaine esale ba tletse borapeli. Bajuda bao ba ne ba tletse borapeli mohla Jesu a tlileng, empa ba hanne pholoso.

<sup>865</sup> Ekaba u tletse borapeli bosiung bona. Ekaba u Presbeteriene, Methodise, Pentekosta, Nazarene, Pilgrim Holiness. Ekaba u morapeli feela; ho kena kereke ea heno le ho paka, u ka bina oa hooa oa rorisa Morena, u ka tlisa likarolo tsa hao tsa leshome kerekeng, u ka tšoara moahisane oa hao hantle, ha e amane le pheletso ea Bosafeleng ba hao ka letho. Kaine o ne a phethise karoloana ea seo sohle. Kannete.

<sup>866</sup> Bibebe e boletse ha thoe "koro le mahola li a kōpana." Koronyana ea khale e a lula, e feholloa pula, le e—e meutloa hape. Pula ha e fihla, meutloa e thabela ho fumana pula hakaalo ka koro. "Empa, le tla ba tseba, ka litholoana tsa bona."

Joale ha re rapeleng le sa ntse le iteköla litholoana tsa lōna:

<sup>867</sup> Joale, Ntate Molimo, bosiung bona ho hlahile lipotsa tse ling tse lomahantseng meno. Ekaba ha ke a sebetsa ka ho lōka, empa ke ho latela bokhoni ba tsebo ea ka; U tseba pelō ea ka. Ke a rapela, Molimo, hore U e amohele. 'Me joale, mohlomong, lipotsong tse ling tsena, haeba ke sa li sebetsa ka tšoanelo, U mpe u bue le pelō tsa batho, 'me U li hlophisetse moo li lōketseng teng feela. Ke utloa e le Uena ea mpoleletseng. Empa haeba nka tšoha ke fositse, U mpe u ntšoarele.

<sup>868</sup> 'Me ke a rapela, Molimo, mang le mang oa bana a kenyé lintho tsena pelōng ea bona, ba li nahaniisse 'me ba nahane ka mokhoa ona, "E, kereke e teng, lintho tsena li teng. Ke seo Bibebe e se boletseng."

<sup>869</sup> Mohlomong maleiti, Morena, U ntseba ke ne ke sa e tobisa motho ha ke ba boleletse. Empa, Molimo, ke—ke rata likhaiseli tsa ka, 'me seo U a se tseba, Ntate. U a ntseba ke nahana joang ka bona. Empa ho ema 'me ke ba bolella phoso, ho bona nka be ke le e—e mothetsi. Ha ke batle ho fetoha mothetsi ho likhaiseli tsa ka, ke batla ho ba bolella 'Nete. 'Me, Ntate, ke E qotsa hantle Lentsoeng la Hao.

<sup>870</sup> 'Me joale ha ke ahlole baena besō, empa, Morena, ke re esale ba fositse ka ho lumella lintho tsena. 'Me haeba leleiti le tsebile ntho e fapaneng 'me a tloha a ea e etsa, e itšetlehile ho eéna, molisa ha a molato.

<sup>871</sup> Abba Ntate, lintho tseo ke Lentsoe la Hao, 'me ke tsona ho Uena. Joale U bue le lipelō tsa batho. Ke ba laetsa ho Uena bohle. Ke bona seo U se entseng, Ntate; U a tseba. Bua le pelō ka 'ngoe. Re kōpa ka Lebitso la Kreste.

'Me ka lihlooho tsa rōna tse inamisistsoeng:

<sup>872</sup> Ke a ipotsa haeba motho a ka phahamisa letsoho la hae, ho re, "Moena Branham, nkhopole feela ke tle ke be mohloli ka botlalo, 'me ka letsatsi la ho qetela ke tle ke apare seaparo sa bohalil le ho lula le Kreste." Na u ka phahamisa letsoho la hao, ho re, "Nthapelle"?

<sup>873</sup> E mong le e mong a lule a inamisitse hlooho ea hae joale, le iname feela. Molimo a le hlohonolofatse, ke bottle. Mono, Molimo a le hlohonolofatse, likhaitseli tsa ka; le baena ba ka, le bona, ka ho phahamisa matsoho a lōna. Hoo ho a babatseha.

<sup>874</sup> Joale, Ntate, U bona matsoho a bona. (Ke a tseba, ka linako tse ling le a nahana, "Be, thapeloana e kaalo feela?") Molimo, ke nahanne ka 'mé eo, ea buileng maobane, "Thapeloana feela ka tlung ea hae mono mohla moshanyana eo a neng a eshoa, liveke tse tharō ho phela, hlahala eo bokong, 'me joale ho fetola lintho."

<sup>875</sup> Ke hopola Osiase, ea lebisang sefahleho sa hae leboteng, a lla, "'Morena, ke a U rapelisisa, ho nkhauhela. Nkhopole, hoba ke tsamaile pel'a Hao ka pelō e phethehileng.' Ea mo fetola ho tloha lefung ho ea bophelong.

<sup>876</sup> Mohoo o le mong ho tsoa ho Mora oa Molimo, "Lazaro, tsoa moo!" eaba monna ea shoeleng o a tsoa.

<sup>877</sup> Oho Molimo, U boletse, "Bua, kōpa, 'me e tla abjoa. Ekareha u bolela taba, lumela hobane see u se bolela se a etsahala, u tla fuoa seo u se bolelang."

<sup>878</sup> Joale, Ntate, ke rapella mang le mang ea phahamisitseng letsoho la hae o tla fuoa seo ba se phahamiseltseng matsoho a bona. 'Me ba hlohonolofatsoe. 'Me Molimo, ke U rapela ho thusa likhaitseli tsa rōna, ba be... ba itlhomphe, haele moo Satane ka thelebishene le ka limakazini tsa *True Story* le ka linyee tse joalo, tse sebelisoang bohlasoa hakaale, le mananeo a sa sefshoang, ka tšila le manyala a hlahang thelebisheneng hakaale le joalo, athe li ka... Ekaba sebetsa ho U hapela lisoule tse milione, empa kamooli li sa sefshoang, 'me ho hlahisoa linyee tsena tsa khale tse litšila tse ba... Oh, e haula hakakang! Le ho tseba hobane moea oa liabolosi o kene 'me o arubelitse likhaitseli tsa rōna, ba ntse ba leka ho ba etsetsa feshene le ho apara joalo.

<sup>879</sup> 'Me re fihlela kahara... ka ho baena ba haesō, hape, Morena, ba hopola ba ka tsuba ba noa, ba itšoara ka mokhoa oo, e ntse e le Bakreste kahobane ba ipolela ba "lumela." Ba ke ba tsebe hobane "liabolosi o a lumela, le eéna." Empa ha a pholosoa, "o a lumela 'me o a thothomela."

<sup>880</sup> 'Me joale, Ntate, re U rapela ho re hauhela bohle, le ho re tšoarela libe tsa rōna, mohlomong ba bang ha ba phahamisa matsoho a bona, oho Molimo, hauhela hle. Etlereha ba fumana monyetla o latelang, ba phahamise matsoho a bona.

<sup>881</sup> Re itōkisetsa ho ja selallo, Morena. Re tšoarele melato ea rōna le lintho tsa bophelo bo fetileng. 'Me re fuoe lehlohonolo la Hao, hoba re e kōpa ka Lebitso la Kreste. Amen.

<sup>882</sup> Morena a le hlohonolofatse. Ke masobai ho le tšoarella tjena. Ke mpa ke ipotsa, pejana ho selallo feela, haeba motho a tlela ho rapelloa, a batla ho rapelloa, be, re tla thabela ho etsa hoo nakong ena feela, e mong ha a batla ho rapelloa.

<sup>883</sup> Ke hantle, moena, u ka mo nyolla hantle, ho tla itōkela. 'Me ke motsotso feela, 'me re tla—re tla qhalana. Etlereha re qhalana, ba batlang ho salla selallo, ba ka itšalla. Empa hona joale hantle re tla etsetsa bakuli thapelo. Bibele e itseng?

<sup>884</sup> Moena ha a sa khone ho ema . . . Ho itōketse, le ka mo tlohela a lutse mono feela, re tla tla ho eéna. Ke hantle, le ka mo tlohela a lutse mono hantle. 'Me re tla theoha re mo rapelle. Ke botle. Ke hantle, monghali, mo tlohele—tlohele feela a lutse mono hantle. Ho thata ho eéna ho ema mona, khele, re tla thabela ho tla ho eéna hantle.

<sup>885</sup> Joale ke batla ho tsebisa tabana ena, motsoalle oa ka ea ratehang. Le a bona, ke—ke tseba Morena a kholisitse taba ena hape le hape le hape makhetlo a mangata. Le a bona? Hakaalo ha ke moreri, ha ke a ôtloa ka thuto le ka lintho tse joalo. Ke rata Morena Jesu, Molimo o a tseba hoba ke a Mo rata. Empa ke bilelitsoe ho etsa ho le hong, ke ho rapella bakuli. Na le lumela seo? Esita le pele ke tseba letho ka neo, ke ne ke tloaetse ho tsoela koana kokelong mona; 'me ke hopola baoki bao ba re, "Joale u tla fola." Le a bona? 'Me ntho e 'ngoe feela, Molimo o bile mohau ho hlompha lithapelo tsa ka bakeng sa batho.

<sup>886</sup> Ke a kholoa, bosius bona, holane ho ka laetsoa, ka phatlalatso feela ea hohle lefatšeng ka bophara. 'Me ho thoë, mang le mang ea rapeletsoeng ke Moena Branham, a tle koano, ke rata ha u ka pakela goromente oa United States, ka lengolo. Ebe khaso ea ka lefatše lohle. Ke kholoa, memo eo e ka arabeloa ke batho ba limilione tse 'ne kapa tse hlano hola e ka tsebahala. Le a bona?

<sup>887</sup> 'Me batho bao, kapa ba bang ba ne ba shoele, ngaka e ba robalitse kantle, le—le ramoshara. Ba bang ba bona ba bolaue likotsing; ba bang ba bona ba shoele lefu la tlhaho. Ba bang ba bona ke lifofu, liritsa, lihole, ba holofetseng, ba hlokofetseng, ba maemo a kelello . . . kahara likokelo, ba sa tsebe re kene kokelong ho ba rapella. Ho ba kenya, ba tlameha ho jaroa. Ba ne ba itoanelo 'me ba itlhabaka likotoana, a sa tsebe le moo a leng teng. Metsotsong e mehlano, a boele setloaeling, a le mosa, a rata

batho, ka kelello e hlaphohetsoeng matsatsi ohle a ho phela ha bona. Le a bona?

<sup>888</sup> Ke . . . Ebe ke'ng? Hase Moena Branham. Ke Jesu Kreste, O nthomile ho rapella bakuli. Joale seo e leng sona ke sena. Ha eso atlehe Jeffersonville, hobane, lebaka ke lena. Joale, ke batla ho le tsebisa hobane metsoalle ea ka e haufi le e khabane e teng motseng mona hantle. Leha koana motse ka sebele sa ona, maemo a motse, ha ke a rate. Ha ke rate malulo ana, ha ke eso khone; enere ke sa le moshanyana, ke lutse, ke bala libuka tsa ka tsa histori, ka re, "Ka letsatsi le leng ke tla falla mona." Le a bona?

<sup>889</sup> Ha ke rate Jeffersonville, ke mohlaka, e tlase ka mona. Ehlide e mohlaka, 'me—'me e mpe e tiile. Nyolohela qhooeng holim'a Spickert Knobs kapa nqa e 'ngoe, u shebe nqa tlase ho ella New Albany le Jeffersonville, ha u batla ho bona. Shebang mona, esita le lingaka joale li a bolela, ho thoe, "Batho ba phula ena ba tšoeroe ke anemia ka baka la maemo."

<sup>890</sup> Leletinyana holimō mona, Mof. Morgan, o ne a folisoe mofetše, o ne a isitse ntja ea hae mona tlilinking, a e hopola e tšoeroe ke mange. Na le a tseba e ne e le eng? Lintho tsa Colgate tse boboraneng holim'a limela tseo e ikhohlang ka tsona. Ke tulo e se nang bophelo bo botle ka ho fetisa.

<sup>891</sup> Mothaka ea tsoang Sesoleng, o ne a theohele mona 'me a fumana . . . A tšoeroe ke asthma. Eaba o theohela mona Florida 'me mahlo a hae a hlile a ntšofetse, a ea bona ngaka, a re, "Ngaka . . ."

<sup>892</sup> Ngaka ea re, "Joale, u tsoa ntoeng, ha ke re?"

<sup>893</sup> A re, "Che, monghali, ha ke tsoe teng."

<sup>894</sup> Haeba le batla ho mo tseba, lebitso la hae ke Herby. Joale, ha nka hopola feela . . . Ke—ke kahara Union National Bank, mane New Albany, ke thelara. E-ea mono feela u batle eo ba 'mitsang "Herby," mo botse.

<sup>895</sup> 'Me a re . . . A tloha, a re, "Ngaka," a re, "Ke tšoeroe ke disaenase."

<sup>896</sup> Eaba o a mo hlahloba, ho re, "Ke hantle." A re, "Ke itse u tsoa ntoeng." Ho re, "Moshanyana, u lula hokae?"

<sup>897</sup> A re, "U ka tšoha u sa tsebe tulo eo," ho re, "ke lula motsaneng mose ho Louisville, Kentucky, o bitsoang New Albany, Indiana."

<sup>898</sup> Ho re, "U ntjoetsa hore u tšoaelitsoe ke disaenase ka baka la metsi a letsoai ana mona Miami, a tsoang teng?" Ho re, "Ha u khona ho lula Jeffersonville, Indiana, kapa New Albany, Indiana, u ka phela hohle lefatšeng moo sesole sa United States se ka u romelang teng." Ke phetho. Le a bona?

<sup>899</sup> Ke tulo e hananang le bophelo bo botle ka ho fetisa e leng teng lefatšeng, eo ke e tsebang, haese kantle koana mohlakeng oa malaria. Le a bona? 'Me ke—ke—ke—ke na le metsoalle mona.

<sup>900</sup> Shebang mona, nka ba bitsa ka mokhoa ona feela. Shebang Ngk. Sam Adair, mokhotsi oa ka. Ke hantle, Mike Egan ke eo, o lutse mono. Oh, banna, nka bitsa ba bakae! Makholo a bakhotsi ba makhonthe feela, bomphato ba ka ba khaleng, bao esale ke ba ratile . . . Ho sa tsotelle metsoalle e mengata eo ke e fumanang, ha ho letho ho le ananya ka mokhotsi oa khale. Le tseba seo.

<sup>901</sup> 'Mé oa ka oa khale ke eo o lutse morao mono, litšiu tsa hae tsa lefatše ha li kaalo, o ho bomashome a tšeletseng joale. 'Mé oa mohatsa ka ke eo, mashome a supileng, o atametse mashome a supileng le motso o le mong; o lutse motšeou mona nqa e 'ngoe, ke a kholoa, bosiung bona. Le mono, ho mo siea. Ntate oa ka o patuoe holimō mona; mohatsa ka o patuoe nqa e 'ngoe kantle mona Walnut Ridge; lesea la ka le robetse kantle mono. Na le bona seo ke se bolelang?

<sup>902</sup> Ha ke—ke—ke rate . . . Ha ke—ke—ke—ke batle ho lula mona, 'me ke kholoa kapele, hang, ke tlameha ho falla. Le a bona, hobane esale e oka—oka holim'a ka, ke e bua holiom'a sefala le Bibebe ea ka, khafetsa.

<sup>903</sup> Enereha ke bolella mohatsa ka, mohlang oo ba re file chelete ho haha mishoni oo ke ileng ka o nehela kereke ena . . . Mishone oo ke oa kereke ena; theohelang mona, le fumane haeba e se eona. Le a bona, ke ile ka hana ho ithuela ona.

<sup>904</sup> Joale, mohla ke neng ke tla haha mono, Meda o ile a re, "Ke batla ho sala mona ka lebakala la 'mé oa ka."

<sup>905</sup> Ka re, "Ratu, ruri ha re etsa hoo, re tla ikoahlaea. U a bona, e ke ke ea sebetsa feela. Molimo o itse, 'Ikhethé,' ke tlameha ho e etsa."

<sup>906</sup> Le ho re, "Be, 'mé oa ka!"

<sup>907</sup> Ka re, "'Mé oa ka, le eéna. 'Empa ea sa té leng ba habo, ho Ntatéla, ha a na tókelo ea ho bitsoa oa Ka.' 'Me hoo ke 'nête."

<sup>908</sup> Tsatsi le leng, hamoraonyana, ke utloa ke tla tšoanelha ho falla, ke hore, ho tloha. Empa tsela ke ena, mona likópano ha li sebetse. Ha li sebetse joaloka nqa efe feela, 'me mang feela ea kileng a etela likópano o e tseba e le 'nête, hobane ke hantle mona motseng oa hesō. Ke eona.

<sup>909</sup> Jesu o buile hona hoo mehleng ea Hae.

<sup>910</sup> Ba itse, "Thaka lee ke mang? Na hase moshanyana oa 'metli kantle mona? Ebe u kene sekolo sefe le ka mohla? Thuto ea hae o e nkile kae? Joale e re ke u bone u etsa . . . U ipoletse u hlakisitse mehlolo ka mona, e re ke u bone u e etsa mona. Seo u se entseng Kapernauma, e re ke u bone u se etsa mona."

<sup>911</sup> Jesu o itse... “A makalla ho se lumele ha bona.” ’Me A retoloha a re, “Kannete, nete, Ke re ho lōna, moporofeta ha a tingoe tlotla haese bathong bahabo naheng ea habo.” Na ho joalo?

<sup>912</sup> ’Me re a tseba...le shebe ho...Nkang Finney, nkang Sankey, Moody; nkang John Wesley, ha ba ka ba phunyeletsa, le a bona, haese hoba a falle naheng ea habo. Shebang ho—shebang ho—ho—ho Moody. Mehleng ea Moody, motei oa lieta oa Boston, ha a ka a phunyeletsa ho hang, o ile a nyolohela Chicago pele a tuma. Le a bona? O ne a tlameha ho e fumana ho bahabo. U tla lōkela ho e etsa kamehla.

<sup>913</sup> Empa joale, mona, Molimo o tla araba thapelo haeba u ka lebala hore ke William Branham (Le a bona?), ha u ka lebala hore William Branham o amana le eona ka letho, haese ea tlamehang ho ema le ho le rapella. Ke Jesu Kreste ea phethileng seo u se kōpileng ho etsoa, haeba u ka e lumela feela. Le a bona? Hase letho le amanang... Ha ke amane le eona ka letho, haese ho paka feela. Empa ekare kahobane ke hotse le lōna mona, le bile le tseba bofokoli ba ka bohole, le phoso ea ka e ’ngoe le e ’ngoe eo ke... ’Me le tseba seo Molimo o se entseng, hantle motseng ona.

<sup>914</sup> Motse ona, ka letsatsi la kahlolo, o tla arabela moputso o moholo tsatsi le leng, hobane ho entsoe makholo le makholo a lipholiso tse tsoileng ka mahetla hantle mona (Ke hantle.), hantle mona. Lipontšo le meeka, le ho hlaha ha Lengeloi tlase mane, le lipampiri tsa e phatlola le ntho e ’ngoe le e ’ngoe, ’me le joale batho ha ba... Hobaneng ho le joalo?

<sup>915</sup> Joale tsatsi le leng, ke tla falla mona. Ke ntse ke ipotsa: “Qetello ea ka e tla ba efe? Na ho felile? Na ebe ena e batla e le eona? Ke mashome a mane le metso e robeli a lilemo. Na ho se ho ba batla ho felile?” Ke ipotsa taba ena. Haeba ho le joalo...

<sup>916</sup> Shebang, hobaneng lefatše le sa ela setšoantšo seo mono hloko? Hobaneng ba sa ka ba e qhautsa ka potlako? Hobaneng ba sa tšoare lintho tse ling tsena? Hobaneng ba sa tšoare liporofeto le lintho? Le a tseba, le hona joale ba ke ke ba khona, empa ka letsatsi le leng ke tla siea lefatse, ’me mohla ke tlohileng, ke hona ba tlang ho E lemoha. Ba bang ba lōna bacha le tla e lemoha ke se ke tsamaile. Le a bona? Empa Molimo o ke ke oa e lumella ho etsoa joale. Na le bona seo... le utloisia seo ke se bolelang. [Sekheo lebanteng—Mohl.]

<sup>917</sup> ... Ke mofiri oa ngoanana e monyenyanee feela. Mang le mang a ka inkela ona. ’Me ke kholoa Moena Sothmann a itse o siille Bibele mona khetlong la hae la ho qetela mona, ke a kholoa. O teng ea thotseng Bibele, e—e Bibele e sollang tikolohong ena? Haeba u entse joalo, ke ea Moena Fred Sothmann ho tsoa Canada. Joale ha re rape leng.

<sup>918</sup> Morena, hauhela hle, 'mino o sa tla letsoa le Moena Neville a tla tlola oli, ke tla ea beha bakuli matsoho ka Lebitso la Jesu. Aba sena, Morena, molemong oa pholiso ea bona. Amen.

<sup>919</sup> E mong le e mong a rapele, joale, e mong le e mong. Ke hantle.

Morena, mothoana, e re ntataemoholo a sa mo emetse sebaka mona. O nyokholosoa ke lebese, lebese lohle. Empa uena U na le Matla ohle 'me mothoana enoa u sitoa ho ba tumelo ea hae. 'Me hape, Morena, ke na le tumelo sebakeng sa hae, hammoho le batsoli le baholoholo re bolela, ka Lebitso la Jesu, hore lesa leo le tla khona ho noa lebese le ho phelela khanya ea Molimo. Amen. Ho tla ba joalo.

Oh, Molimo, o ntse a rapella ntatae. Ke rapela 'moho le eéna hore U tle u folise ntatae ho mo neha seo a se hlokang, ka Lebitso la Kreste. Amen.

<sup>920</sup> Joale, e bonolo ha ke re? Batho ba ntse ba rapela, empa ke sona seo batho . . . Ba tsomana le ntho e khōlō 'me ba e thatafatsa. Molimo o a e nolofatsa. Lōna le a e thafatsa le a e fosa. Le a bona? Etsa feela . . . Ebe bonolo joalokaha Molimo o boletse: "Mehlolo ena e tla tsamaea le ba lumelang; ha ba beha bakuli matsoho, ba tla fola," joalokaha Molimo o boletse.

<sup>921</sup> Re beha mosali enoa matsoho, Morena, khaitseli enoa oa rōna ea emeng mona, 'me a folisoe re sa e kōpa, ka Lebitso la Jesu Kreste. Amen.

<sup>922</sup> Ntate, re sa beha khaitseli ea rōna matsoho, ka Lebitso la Jesu Kreste, sehopotsong sa Bibele le sa thuto ea Morena, a ke a folisoe.

Ntate, ka Lebitso la Kreste, re kōpa pholiso ea khaitseli ea rōna, 'me ke U rapela ho mo phelisa re sa mamela Lentsoe la Hao, ha ho pelaelo e le 'ngoe kelellong ea ka haese hore a ka . . . ? . . . Amen.

<sup>923</sup> Ntate, re beha khaitseli ea rōna matsoho, le ho kōpa seo, ka Lebitso la Morena Jesu, u tle u mo folise le ho mo phelisa. Amen.

Ka Lebitso la Morena Jesu, re beha moena oa rōna matsoho le ho U kōpa ho mo phelisetsa khanya ea Molimo.

Ntate, ka Lebitso la Morena Jesu, re tlotsa khaitseli, le ho 'meha matsoho le ho kōpa pholiso ea hae ka Lebitso la Jesu.

Ntate Molimo, re beha moena oa rōna matsoho, re kōpa seo, ka Lebitso la Jesu Kreste, re sa mo tlotsa hore U mo phelise.

Ntate, mona, mohatsae ea ratehang . . . ? . . . ho mo tlotsa le ho 'meha matsoho, ho e kōpa, ka Lebitso la Jesu Kreste.

<sup>924</sup> Morena Molimo, re tlotsa Edith e monyenyan, ho 'meha matsoho, le ho kōpa ka Lebitso la Morena Jesu Kreste hore U mo abele qélo ea hae.

Ntate, ho 'm   oa hae, re boetse re mo tlotsa re 'meha matsoho le ho k  pa pholiso ea hae, ka Lebitso la Morena Jesu Kreste, a ke a phelisoe.

<sup>925</sup> Ntate, re tlotsa lehakoe lena le theko e thata la lelapa lena, ho futha ho honyenyane ha pel  , ka Lebitso la Morena Jesu, ho khetheloa ho E  na letsatsi le leng, 'me ke U rapela ho e folisa . . . ? . . .

<sup>926</sup> Oh Molimo, U tseba q  eo ea khaitseli ea r  na 'me re U leboha ka tumelo ea hae e senatla. Joale, lintho tseo a li k  pileng, hore . . . ? . . . a bapetseng ka tsona a sa le monyenyane, 'me Molimo, sera se ke se lokolle mosali 'me a khutlele lapeng a hlaphohetsoe, Morena. Re rapella monna eo, le e  na, eo a mo k  petseng, ke Uena ea t  sepisitseng, "Ekare ha le k  pa taba ka Lebitso la Ka, Ke tla e etsa." Ke U k  pa ho aba q  eo ena, ka Lebitso la Jesu. Amen. Molimo a u hlohonolofatse.

<sup>927</sup> Morena, mothapo ona o phatleng ea moena oa ka o a shoa, re k  pa hore bophelo bo kene, re sa 'meha matsoho re mo k  pela eona, ka Lebitso la Jesu, mothapo oo o l  ke.

Ntate Molimo, re beha khaitseli ea r  na matsoho ka mora ho mo tlotsa ka oli, ka Lebitso la Morena Jesu Kreste, re k  pa pholiso ea hae. Amen.

<sup>928</sup> Ntate oa Leholim  , khaitseli ea r  na esale a emetse likatleho tse ngata tse kh  l   tseo U li hlahisitseng, o emetse e mong oa bahlanka ba Hao, moreri, ea jeoang ke methapo haholo; kutlobohloko ea pel   ea r  na e tsoela e  na kaha re tseba seo a fetang hara sona. Ke a rapela, Molimo, hore U tlotse khaitseli ea r  na ka ho mo emela mona le ho mo tlotsa pholiso ea hae. Ke a rapela, ka Lebitso la Kreste. Amen . . . ? . . . Morena o a tseba . . . ? . . .

<sup>929</sup> Botle. Ke thabile haholo. Ke eona tlolo ea Morena ea mannete eo. Morena Molimo, ka mora hoba mosali enoa a loeloe letemonia leo a le loant  tseng lilemo, ka tsatsi le leng U mo fetisitse lapeng mane eaba Moea o a theoha, "HO RIALO MORENA," hoba a lle, a ile a robala aletareng, a entse tsohle kamoo a tsebileng ho li etsa, empa ho nkile HO RIALO MORENA. Joale, o tlela lesea la ngoanabo le hlatsang; le sa khone ho tsamaea, le batla le etsa selemo. Ke a rapela, Morena, hore U mo abele mahlohonolo a Molimo ka Lebitso la Jesu Kreste. Ho thabela hoo haholo, khaitseli, u shebeha o fapanie, le hona. 'Me u hole le ho shoa joale, ha ke re?

Ntate Molimo, re U rapela ho hlohonolofatsa khaitseli ea r  na re sa mo tlotsa re 'm  ha matsoho le ho k  pa sena seo U se boletseng: "Mehlolo ena e tla tsamaea le ba lumelang. Ba tla beha bakuli matsoho, ba tla folisoa." Re ipolela hoba re balumeli, Morena, ka baka leo re U rapela ho etsa se seng, ka Lebitso la Jesu . . . ? . . .

<sup>930</sup> Ntate Molimo, ka ho tseba pel   ea mosajana enoa, kamoo a e t  solotseng, re U rapela ho mo hauhela le ho mo abela q  eo ea

hae eo a e kōpileng. Oho Ntate Molimo, bakeng sa lelapa la hae, bakeng sa bana ba hae, moshanyana oa hae, haholoholo, Molimo, ke a rapela joale, hore U abe lintho tsena . . . ? . . . ka pelō ea ka eohle, ke a e kōpa, ka Lebitso la Jesu. Amen.

Ntate Molimo, re sa tlotsa mosali enoa ka oli, le ho mo rapella ka Lebitso la Morena Jesu, hore U tle u mo folise le ho mo folisetsa khanya ea Molimo.

<sup>931</sup> Lebitso la hao e ka tšoha e se West, le ka ba joalo na?

Ntate, re rapella leleitinyana. O kōpela dedi oa hae. Joale, ke U rapela ho abela dedi oa hae, pitso pelōng ea hae, Morena. O batla hore a bolokehe. Ha a 'matle lefatšeng joalokaha a etsa, enoa, ngoana oa hae ka sebele, lehlomela la hae. Ke a rapela, Ntate, hore U tle u mo hauhele, ka Lebitso la Kreste.

<sup>932</sup> U hlohonolofatsoe, morali oa ka, Molimo a u nehe, seo u se kōpileng.

Molimo o ratehang, re mo rapella ho fuoa mohau, 'me re U kōpa ho hauhela, re sa mo tlotsa . . . ? . . .



*LIPOTSO LE LIKARABO BAHEBERU KAROLO III SST57-1006*

(Questions And Answers On Hebrews Part III)

LETOTO LA BOITSOARO, TSAMAI SO LE THUTO EA KEREKE

Molaetsa wona, ka Moena William Marrion Branham, o rerilwe sethatong ka Senyesemane Sontaha mantsiboea, Mphalane 6, 1957, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)